



土岐文庫  
文庫17  
W3  
12



文庫 17  
W3  
12

校訂困學紀聞五箋集證卷之十九

浚儀 玉應麟 伯厚 潘那開氏 謝山全氏 易田程氏 義門何氏 樸山方氏 蔚亭萬氏 四明屠繼序校補

評文

穀梁隱四年傳注云建儲非以私親所以定名分鄒潤甫字溫

東宮制云建儲非以私親蓋明萬世之統主器莫若長子茲本

百王之謀蓋出於此至云鄒潤甫與曾南豐皆江先生弟子其文亦有足觀以附龐荆公遂無稱道之者

晏元獻謝昇王記室表云衣存缺種式贊於謙沖饌去邪蒿不忘

於規讓間云去邪蒿北齊韓詩外傳周公誠伯禽曰衣成則必缺在

宮成則必缺隅外傳三說

集證韓詩外傳三周公誠伯禽曰夫天道虧盈而益謙地道變盈

而流謙鬼神害盈而福謙人道惡盈而好謙是以衣成則必缺在宮成則必缺隅屋成則必加拙示不成者天道然也

困學紀聞五箋集證 卷十九 上



010185190678

食有菜曰邪蒿時命去之曰此菜有不正之名非殿下所宜食  
祖聞而嘉之文選任彥昇王文憲集序注引孔欣猛虎行曰  
不食邪蒿菜倦不息無終里  
邪蒿乘素尚無終喪若始

九章算術五雀六燕飛集于衡衡適平一雀一燕飛而易處則雀

重而燕輕引見御覽九陸農師謝吏部尚書表六燕相亭試

銓平其輕重蓋用此房心暉云五雀六燕適平者雀重燕輕也則

集證通考陶山集二十卷陳氏曰尚書左丞山陰陸佃農師撰  
別其飛翔對語  
用張融門律

周書王會東越海禽或誤為侮食而王元長曲水詩序用之其別  
風淮雨之類乎

集證文選王融曲水詩序侮食來王

駱賓王云類同心異者龍蹲歸而宋樹伐質殊聲合者魚形出

吳石鳴駱賓王螢龍蹲謂孔子春秋演孔圖孔子坐如蹲龍

如牽牛引見御覽三

集證唐志駱賓王集十卷按今存駱丞集四卷明顧文選注  
就之如昂望之如斗盧照鄰南陽公集序龍蹲東魯陳禮樂而  
收蒼生虎據西秦焚詩書而愚黔首晉書張華傳吳郡臨平岸  
崩出一石鼓捷之無聲帝以問華華曰可取蜀中  
桐材刻為魚形扣之則鳴矣如其言聲聞數里

楊盈川敘郡守云代臨本州則元賓之父喜形千色見事文類聚

本守則張翕之子迎者如雲見華陽國志敘縣令曰仁之所懷幼童

不能擊將雛之雉後漢魯恭傳明之所斷老父不能爭食粟之雞

傳對的語工

集證唐志楊炯盈川集三十卷按今存十卷附錄一卷明龍游童  
子實為使君每聽政終敬乘版輿至元賓所遣左右敕不聽起  
觀其豔汰欣欣然喜見顏色華陽國志云前後太守數煩

人叛亂張翥子瑀復為越嶲太守迎者如雲後漢魯恭傳建初七年郡國螟傷稼大牙緣界不入中牟河南尹袁安聞之使仁恕  
擦肥親廉之恭隨行坐桑下有雉過止其傍傍有童兒親曰兒何  
不捕之兒言雉方將雛親瞿然曰蟲不犯境一異也化及鳥獸二  
異也豎子有仁心三異也南史傅琰傳琰為山陰令二野父  
爭雞琰各問何以食雞一人云粟一人云豆乃破雞得粟罪言豆  
者縣內稱神  
明無敢為偷

蘇許公制右掖司言停光於五字常袞表五字非工張南史詩唯

有五字表魏志司馬景王命中書令虞松作表再三輒不可意

中書侍郎鍾會取視為定五字松悅服何遜傳鍾會傳引世語云耳西

掖用五字本於此

集證通志蘇頌集三十卷唐志常袞集十卷並佚鍾會傳世

更定以經時松思竭不能收心存之形於顏色會察

張文定全云樂全先生張方平慶曆中草兩制薦舉勅云蓋舉類之來舊

代之盛王其必由之如聞外之議云是且啓私謁告請之與  
子不以是待士大夫何士大夫自待之淺耶又察舉守令勅云  
夫天下之大官吏之衆獨不聞循良尤異者之達子聽外臺之  
職豈非闕歟抑朝廷未有以導之也其視守令能以仁政得民  
民心愛之如古循吏然者宜以名上子得以褒慰之亦以使四  
方之民知子不專寵健吏所貴仁者爾尤延之全云尤文簡公表謂二詔  
大哉言乎簡而盡直而婉丁宣惻怛之意見於言外至今誦之  
盎然如在春風中豈特公之文足以導上之德意志慮亦當時  
善治足以起其文也何遜一詔有文景風○又云向使

集證通考樂全先生集四十卷蔡政文定公南都張方平安道撰

大臣以道事君者又謂其為人有似於孔北海諸葛孔明集四十一

集二十卷  
今已佚矣

文定又行范文正公參政制云大恩之下難為報大名之下難為處矧兼二者可無勉哉爾尚朝夕以交修子允迪前人勤教邦其永孚于休訓辭溫雅可以見太平之象

端平元年九月真文忠公除翰林學士洪舜俞各書時為中書舍人命詞曰

迪惟仁祖有若臣修朝京師於甲午之元拜內相於季秋之月

歐陽公之除在至和元年九月歲皆甲午相與一百八十年用事切當

如此

慶元初嗣秀王辭中書令賜贊拜不名鄭溥之提草制云天下之

達尊三德兼爵齒以俱茂人臣之不名五老與親賢而並隆公

羊傳注禮君於臣不名者有五諸父兄不名上大夫不名盛德

之士不名老臣不名恒四年傳注說苑伊尹曰君之所不名臣者四

諸父臣而不名諸兄臣而不名先王之臣臣而不名說苑臣術篇盛

德之士臣而不名咸淳初嗣榮王賜詔書不名余草制用說苑

事全云鄭文肅公提一字補之慶元黨

集證百虎通王者不臣篇王者臣有不名者五先王老臣不名親與先王戮力其治國故也大夫之命于天子者不名盛德之士不名諸父諸兄不名與公羊傳注同通考治述十卷陳氏曰

從政即鄭提紹熙元年撰進接丙戌榜有三山鄭提溥之是年已為秘書郎面對劄子剴切通鍊

于今傳誦此當別是一鄭提耶

開禧追貶秦檜周南仲全云代草制云周南仲閣云南遷錄宿退錄駁之近漁洋

載遺秦檜事却可信余取以補續通鑑彙纂傳是樓云○繼序核木筆雜鈔謂是詔本崑山衛清叔常直南仲其姪家也代之草草成過水心先生誦之至百年為

虛誤作百年成虛翌口南仲往見水心水心謂曰清叔近日文思長進但成虛二字可疑南仲曰本為字也水心方知其出於南仲因薦以館職古人雖辨對之文

一字不荷如此兵於五材誰能去之首弛邊疆之禁臣無二心天之制也

國朝通志卷之十九

錢云周南  
字南仲吳  
縣人開禧  
三年除祕  
書省正字

錢云鄭提  
三溥之

錢云洪咨  
璵字舜俞  
時為中書  
舍人

忍忘君父之讎。又云。一日縱敵。遂貽數世之憂。百年為墟。誰任

諸人之責。原注。金虜南遷。錄載孫大鼎疏言。遣檜開我。以就和檜之女。狀苦矣。嘉定之牽。復幾於失刑。何云。慷慨精當。又云。諸人之責。何法未

穩。宋人使事多如此。易以陸沈。借對數世自得也。○全云。開禧之勅。雖草而未行。會泥胃已誅。遂止。非幸復也。宋史亦誤。

集證。金國南遷。錄天會八年。諸臣慮宋君臣復讐。思有以止之。魯

定忠烈王曰。惟張孝純可忠。獻王曰。此事在我心裏。三年矣。只有一秦檜可用。我喜其人。置之軍中。試之以事。外雖拒而中常委曲。順從而檜始終言南自南北自北。因說許某著手時。只依這規模。分別今若縱之歸國。彼喜慷慨說事。必是得志。○諡法。通考。申王

秦檜。紹興中。諡忠獻。開禧三年。追奪王爵。改諡謬醜。嘉寧元年。史彌遠奏。復王爵。增諡。○宋元通鑑。寶祐二年。詔太常。檜諡法。國論。輔臣曰。諡謬。狼可也。○通考。周氏山房集。二十卷。後集。二

十卷。秘書省。正字。吳郡。周南。南仲撰。○按。今存山房集。九卷。四六最。二。其秦檜降。爵。易諡。救。吳子。良林。下。偶。談。亦。引。為。佳。話。其。擅。場。可。知。

韓文公王仲舒銘云。敷文帝階擢列侍從。野處謝敷文閣。直學士

表云。宣布中和。方歌盛德之事。擢列侍從。遠復敷文之階。雖借

錢云。野處。名。吳。容。齊。集。

用而切當。何云。敷文。句。用。德。舞。于。羽。于。兩。階。○延。敷。文。

王輔嗣吐金聲於中朝。此子復。於山表。敷言之緒。絕而後

不意永嘉之末。復聞正始之音。○珍。○

者清談也。正始。魏齊王九年。號胡元。○以。正。始。○

音對。奪朱之亂。雅陸務觀嘗。適其誤。王季海。○名。○諡。○行。車。○

太師制云。博觀載籍之傳。幾海涵而地負。遠追正始之作。公

振而金聲。恐亦襲武平之誤也。若正始之清談。非所以。公

何云。武平。啓。自用。關。隴。正。始。之道。若。王。淮。則。真。誤。矣。

集證。日知錄。魏明帝。少帝。即齊王芳。即位。改元。正始。凡九年。其

名。士。風。流。盛。於。維。下。乃。其。棄。經。典。而。尚。老。莊。茂。禮。法。而。崇。放。達。視

其。主。之。顛。危。若。路。人。然。自。此。以。後。競。相。祖。述。如。晉。書。言。王。敦。見。禪

玠。謂。長。吏。謝。鯤。曰。不。意。永。嘉。之。末。復。聞。正。始。之。音。沙。門。支。遁。以。清

談。著。名。於。時。以。為。造。微。之。功。足。參。諸。正。始。宋。書。言。羊。孚。保。二。子。太

祖賜名曰咸曰粲謂予保曰欲令卿二子有林下正始餘風王微與何偃書曰卿少陶乎風淹雅修暢自是正始中人南齊書言袁粲言於帝曰臣觀張緒有正始遺風南史言何尚之謂王球正始之風尚在其為後人企慕如此然晉書儒林傳序云廣關里之典經習正始之餘論指禮法為流俗目縱誕以清高以至國亡於上教淪於下羌戎互僭君臣屢易非林下之咎而誰咎哉

胡文定 安國字康侯 以親辭成都學事云矧嘗喜懼之年深計短長之

日曾文清 至云茶山先生幾字吉甫 求歸侍云朝則倚門暮則倚閭常恐失望

父曰嗟子母曰嗟季島敢弭忘

集證 通考胡文定公武夷集十五卷給事中崇安胡安國康侯撰曾文清集十五卷禮部侍郎章貢曾幾吉父撰

上官儀 唐書有傳 冊周王文識表魏舟之象詞掩漢臺之駕上句用曹

蒼舒事 見魏志 下句用柏梁臺詩梁王曰驂駕駟馬從梁來 見三秦記

或以駕為卦引沛獻王占雨事非也

集證 魏志鄧哀王冲傳冲字倉舒少聰察岐嶽孫權曾致巨象祖欲知其斤重訪之羣下咸莫能出其理冲曰置象大

上而刻其水痕所至稱物以載之則校可知矣太祖大悅即施行焉

洪景盧 邁 周茂振 麟 入館謝啓雖不若董彥遠之博如桃萊難悟

閩云案馮衍傳注云萊字似萊又連桃後學者輒改萊為棗以桃棗易明桃萊難悟也啓用章懷太子注成句 柳卯本同 何云案虞翻

玄解尚書違失云古大篆卯字讀當為柳古柳卯同字而以爲昧臣松 幼婦外孫 之謂翻言爲然故劉留柳同用此字以從聲故也與日辰卯字同音異

之義 世說曹娥神題字 女郎世子之名亦儷語之工者 閩云案南史曹希範傳青州人發古冢有

銘云青州世子東海女郎帝問希範對曰此是晉司馬越女嫁焉

集證 王氏辭學指南洪邁紹興十五年乙丑宏辭科周麟之十八年戊辰宏辭科 宋志洪邁野處猥蒙一百四卷又瓊野錄

野處草梁叔子 陸云 制云鼎學士之大稱蓋用劉禹錫天平軍壁

記以牙璋玉節鼎右僕射官稱之語又草葉顯左相制云學聖

人之道高天下以聲或云葉語音高故以戲之然矜人臣以能

高天下以聲史記謂殷紂也不當用之王言

徐淵子道似上梁文云林木翳然便有濠濮閒想世說言語門清風颯至

自謂羲皇上人晉書陶潛傳初寮王安啓云得知千載上賴

古書陶潛贈羊作吏一行便廢此事晉書稽康傳何至下句皆全

包

集證宋詩紀事徐似道字淵子號竹隱黃巖人乾道二年進士

李宗衡春秋十賦屬對之上閩云歐陽公年譜年十七應舉隨州試

殺必滅若教宣國伯石豺狼之不足是真喪羊舌昭二十二年

魯昭之馬將為驢昭二十二年衛懿之鶴有乘軒昭二十二年

丁奚辭邑而昭二十二年晉侯請隧而襄王與之田昭二十二年

見襄公之欲楚襄二十一年亥有二首絳者之年襄二十一年

其屠昭二十二年象有齒而焚其身襄二十四年虞不臘虎昭二十二年

吳其沼乎哀二年好魯以弓請謹守寶昭七年賜鄭以金盟無庸昭七年

集證經義考李宗衡道春

晏元獻進牡丹歌詩表云永平神爵之頌孝明稱美者五人正元

重九之篇德宗考第於三等按論衡云永平中神雀羣集詔上

神雀頌百官上頌文比瓦石唯班固賈逵傅毅楊終侯諷昭侯

神雀頌百官上頌文比瓦石唯班固賈逵傅毅楊終侯諷昭侯

神雀頌百官上頌文比瓦石唯班固賈逵傅毅楊終侯諷昭侯

神雀頌百官上頌文比瓦石唯班固賈逵傅毅楊終侯諷昭侯

神雀頌百官上頌文比瓦石唯班固賈逵傅毅楊終侯諷昭侯

神雀頌百官上頌文比瓦石唯班固賈逵傅毅楊終侯諷昭侯

神雀頌百官上頌文比瓦石唯班固賈逵傅毅楊終侯諷昭侯

神雀頌百官上頌文比瓦石唯班固賈逵傅毅楊終侯諷昭侯

神雀頌百官上頌文比瓦石唯班固賈逵傅毅楊終侯諷昭侯

神雀頌百官上頌文比瓦石唯班固賈逵傅毅楊終侯諷昭侯

神雀頌百官上頌文比瓦石唯班固賈逵傅毅楊終侯諷昭侯



錢云貞元  
作正元避

五頌金玉孝明覽焉論衡佚正元事見劉太真傳閣云見劉太真傳謂新唐書舊

唐則見德宗紀貞元四年九月癸丑賜百寮宴於曲江亭仍作重陽賜宴詩六  
額賜之群臣畢和上品其優劣以劉太真李紆為上等鮑防于召為次等張濛駸  
亮等二十人又次之唯李晟馬  
燧李泌三宰相之詩不加優劣

集證宋志晏殊集二十八卷詩二卷按今本元獻遺文一卷乃  
康熙中胡亦堂所輯也唐書文藝傳劉太真善屬文貞元  
四年九月詔羣臣宴曲江德宗自為詩敕宰相擇文士賡和帝曰  
第之以太真李紆等為上鮑防于邵等次之張濛等為下與擇者  
四十  
一人

宣皇服藥赦文陳正父所草也何云閣校宣作壽陳作兒雖不明不敏  
有辜四海望治之心然無怠無荒未始一毫從己之欲天下誦  
之謂寫出宣皇心事

盧思道賀甘露云神漿可挹流味九戶之前天酒自零凝照三階  
之下常袞賀雪云重陰益固應水澤腹堅之時積潤潛通迎土

膏脉起之候皆儷語之工者

集證唐志盧思道  
集二十卷

俗語皆有所本如利市出易說卦方樸山云玉篇載說卦作近市利三倍左傳昭十六年爾

難為人出表記擔負出詩玄鳥箋擔負天之多福折閱出荀子僭身蓋

為折閱生活出孟子家數出墨子尚同篇天下為家數也甚多服事出周禮

大司徒伏事出陸士衡詩為吳王郎中時從陳梁詩誰謂伏事淺契濶踰三年分付出漢

原涉傳分付諸客交出蓋寬饒傳及歲盡區處出黃霸傳霸具為

多謝出趙廣漢傳為我多謝丁宣出詩采薇箋丁宣歸期定其心

字義本借用左什物出後漢宣秉傳即賜布帛自由出五行志百車

傳著于丁寧語曉示出童恢傳吏人有違犯禁主者出劉陶傳事付主

初不恤意智出鮮卑傳意智甲末出欒巴傳幹吏告

閣云亦見欒巴傳方樸  
山云已見陳丞相世家

錢云服事  
亦見論語

示出荀子原注仁者好告布施出周語原注布比較出齊語合羣寒比

道行頭出吳語行頭皆當日出晉語臣敢煩地主出左傳越語者

案左傳止有東道主越語四鄉地主正之繼序按地主歸餼見哀二十二年

集證致禮地主歸餼間君偶不及檢

相於出晉后妃傳宏貴嬪離思賦况骨肉之料理出王徽之傳桓

嘗謂嶽之曰卿在府日久比當相料理長進出和嶠傳太子近入消息出魏少帝紀

傳消息方心彈云易豐卦象傳曰天地盈虛與時消息功夫出王肅傳

集證按王肅傳云推泰極以前功天尚七少帝

普請出吳昌蒙傳普請諸將手下出太史慈傳注引江表傳先君

率出陸抗傳况江陵山王恭傳非皇天所以鄭分外出魏

程曉上疏下不務分小劫出宋紀會稽州處之長節

原注開介無斐羅出南史顧歡傳隱逸傳跨夷之儀斐羅之辯

本分出荀子原注見端不知見措大出五代東漢世家王得中問馬

集證寒山子詩簡是何措大時來省南院海錄碎事太祖嘗與

窮措大眼孔小賜與十窮措大眼孔小賜與十

假開出王峻傳俟假開當本色出唐劉仁恭傳旄節吾自可為要

古老出書無逸注古老之人商量出易商兌注商量裁不宣備

出楊德祖答臨淄侯原注不能宣備生人婦出魏杜畿傳出魏志杜

私名出列子黃帝篇范氏有子家公出莊子原注主人公也寓言

集解云主致意出晉簡文紀帝謂鄧超曰致意尊傳語出後漢清

人公也

錢云王肅  
傳惟泰極  
以前功夫  
尚大百詩  
偶未檢及

河王慶傳合慶傳語收拾出光武紀不能收拾思出劉矩傳使歸更

不審出韓詩外傳晏子曰明于聖主其政解世情出纏子原注不識

選文賦注引纏子云董無心口爭得事君子不識世情

集證海五十二漢志儒家董子一篇名董無心難墨子書目董

爾來出孔明出師表爾來二十一年矣竭來出思立賦張衡賦問云李善

和買出左傳正義昭十六年強等商人

阿誰出蜀龐統傳先主謂龐統曰向罷休出史記孫武傳將軍

漸愧出齊語大國慚愧安掛出莊子安排而去化乃比數出周

言馬注簡謂此兒在出橐人注計今見孩兒出書康誥注

老境出曲禮正義六十至老境牽帥出左傳襄十年

出詩采薇箋先輩可如今出杖杜箋附服可歸也

居山出玉藻可人出雜記道人出漢京房傳道人始去寒寄居

出息夫弟傳寄居某甲出周禮職內注某甲詔書出

序原其不子推云主人公出史記范雎傳按范雎傳主人翁習小

子出漢霍光傳使樂成不中用出史記外戚世家王尊傳始皇本

我輩人出晉石苞傳卿是我對岸出樂志曰公夷狄對岸

十八九出漢丙吉傳定進至今浩大出後漢馬廖傳浩大

兩兩相視出周嘉傳羣賊於是兩相視年紀出光

武紀建武十五年口年紀又中元元年孝宣帝神

細碎事手下出吳呂範傳何三手下前已出太史慈一條兩

合少成多出中庸注昭昭之多節注言天地山川皆合

亦况注引江表傳昭昭之多節注言天地山川皆合

亦况注引江表傳昭昭之多節注言天地山川皆合

亦况注引江表傳昭昭之多節注言天地山川皆合

亦况注引江表傳昭昭之多節注言天地山川皆合

亦况注引江表傳昭昭之多節注言天地山川皆合

亦况注引江表傳昭昭之多節注言天地山川皆合

**若干出禮記**方樸山三禮記出於漢儒按漢賈誼傳陳政事疏已有若干二字**曲禮**

**投壺如于出陳何之元傳**以如于卷**膠加出九辨**原注膠音家加正

**國之事**亦**牢愁出揚雄傳**原注牢愁**墨屎出列子**原注音眉疑

**多端而膠**加**冗長出陸士衡文賦**故無取乎冗長**無狀出史記夏**

**本紀**絲之治**擘畫出淮南子**要略篇齊俗者擘畫**前定出中庸細**

**作出左傳釋文**宜八年釋文謀反**敘致出世說**敘致既決事加有

**留連出後漢劉陶傳**雷連**問息程出寶后紀**數呼相**已分出**

**魏文帝書**父與吳**物色出淮南子**時則訓仲秋之月**本師出史**

**記樂毅傳**其本師號**祖師出漢外戚丁姬傳**易祖師丁將**生熟出**

**莊子**生熟不**有瓜葛出後漢禮儀志注**蔡邕獨斷曰凡與瓜葛者

**集證**魏明帝種瓜篇與君新

**發遣出陳寔傳**警解發遣各令**天然出賈逵傳**陸下通天**新鮮出**

**太玄**務次二新**鈍悶出淮南子**覽其訓純濫以淪鈍悶以終誇張

**出列子**天瑞篇誇**悼老出洞簫賦**悼老**近局出陶淵明詩**歸園中

**雞招近局**張於世**提撕出詩抑箋**親提撕**本貫出晉江統論**各附本種

爾云正有本**種無本貫**

**集證**十六國春秋韓熙載

**十字街出北史李庶傳**劉家在七帝坊十字街**見錢出漢書王**

少府水衡**見錢多也**

校訂困學記聞五箋集證卷之十九

浚儀 王應麟 伯厚 潘師閻氏 謝山全氏 易田程氏 蔚亭萬氏 四明屠繼序校補

評文

梁簡文為子辭封表云日蝕之餘無黃童之對 後漢黃 荷戟入榛

異子烏之辨 揚子法言問神篇 荷云二語未工 又云熙祖流聰慧之稱方建臨

淮之國 晉書愍懷太子德 元仲表岐嶷之質乃啓平原之封 魏志明紀 原注荷戟入

元仲一聯然熙祖非美事也 荷云在元帝用之則可元仲事 在今日藩臣亦當避古人不拘

集證 東都事略楚王似神宗之第十三子元豐開封和國公哲宗 即位封晉寧郡王 揚子問神篇育而不苗者吾家之童烏 乎九齡而與我乎文注童烏子 雲之子也九齡而與揚子論乎

王元之 傳 表風摧霜敗芝蘭之性終香日遠天高葵藿之心未死

上表 賈州謝 劉元城表云志存許國如萬折而必東忠以事君雖

三已而無愠斯言可以立懦志周云趙元鎮移吉陽軍表云白首何歸

移尤以此言致不食卒可悲也

集證通考王元之小畜集三十卷晁氏曰王禹偁字元之鉅野人太平興國八年登進士第官翰林學士 按其集今存

驢非驢馬非馬原注漢西域傳鳥不鳥鵲不鵲疾為韓使楚言失其賦也 可以為對

傳景仁名伯壽 意着黑唯帶牛佩犢可對周云上句實下句虛似非一類 何

嘉定受寶璽南塘趙汝談字履常 賀表云函封遠致不知何國之白環球

刻孔章咸曰宣王之大寶原注宗室入翰苑者二人彥中汝談汝騰

集證王氏辭學指直趙彥中淳熙二年乙未入博學宏詞科第二人宋史趙汝談淳熙中進士以李壁薦召試館職 趙汝騰

書權中書舍兼史職 荅韓魏公詔豈朕鬱于大道未昭治亂之原將卿保

其成功自潔進退之分崔大雅名敦詩 荅周益公詔豈朕不德

達好賢之誠將卿既明自全引退之節蓋傲其意 何云既明何

行語也且文義無傷

集證通考華陽集一百卷晁氏曰王珪禹玉其先成都人故號華陽嘉祐初入翰林熙寧三年始參大政謚文恭 按張九齡

開元三十一年處分十道朝集使勅云豈朕之不德感致所然為庶尹所能已極於此唐人筆運已如是

鄭安晚周云鄭清之號再相 再相應之道全云應叅政 草制云彥博重入

中書特合納節王曾再登揆席俛就集賢

集證按宋史鄭清之撰安晚堂集原本六十卷今存七卷

黃伯庸名騰若豐城人 為賀雪表云招徠後無畫臥洛陽之人 表安獎

厥三軍有夜入蔡州之志李愬事 語工而健原注上天同雲平地尺雪

集證江南先賢傳時大雪積地丈餘洛陽令至表安門無有行路 謂安已死令人除雪入戶見安僵臥唐李愬傳元和十一

年十月已卯師夜起會大雨雪天海凜風偃旗裂膚馬皆縮慄始發吏請所向愬曰入蔡州取吳元濟士失色

道之守京口復陳少陽東之後曰如可贖兮百身猶將春之十世

億載萬年為父為母四海九州悉主悉臣汴齋樓對

李顯忠字君錫綬德青湖人官左將軍諡忠襄復節鉞汪聖錫至云玉山先生汪應辰草制云

念秦伯用孟明之意與馮唐面文帝之言又云與人之周庶幾得頗牧而能用共武之服爾其繼英衛之善兵

集證直齋書錄解題玉山翰林詞草五卷尚書玉山汪應辰聖錫撰紹興五年進士首選以天官兼翰苑近二年所撰制詔溫雅典實得王言體朱晦翁稱為近世第一簡明書目文定集五卷世久無傳明程敏政於文淵閣得舊本摘鈔八卷刊行係遂散佚今錄永樂大典所載重為編次其二十四卷鴻篇鉅製多非程本所有也

倪正父思草壽皇尊號詔率且官若帝之初何云此宋人策句法不講非常

之禮於萬年受天之祐聿迎滋至之休周益公辭免表云遜于及斯伯與敢忘稽首有若號叔閔天尚助廸威正父答詔云及斯伯與固可遜未聞虞帝之必從號叔閔天雖曰賢蓋視周公而不及何云不如何作離遜固賢

集證通考齊齋甲藁二十卷乙藁十五卷翰林前藁二十卷後藁言二卷按垣詞草二十卷兼山著論三十卷附錄五卷年譜一卷禮部尚書歸安倪思正父撰端平初詔以先朝遺直得諡文節

真文忠為原貸盜賊詔云弄潢池之兵諒非爾志烈崑岡之火亦豈予心又云自有宇宙至于今日未聞盜賊得以全軀其言足以感動人心

集證通考西山集五十六卷參政浦城真德秀希元撰

王卿月為澹庵制云吾身蹈東海何云此句即是封事未句所以尤工獨伸連不肯帝

秦至今名重泰山微柑如何以強趙

集證

明銓疏云欲屈萬乘之尊下穹廬之拜三軍之士不戰而氣已索此魯仲連所以義不帝秦也又云願斷王倫秦檜孫近三人頭竿之藁街驕雷金使責以無禮徐與問罪之師則三軍之士不戰而氣自倍不然臣有赴東海而死寧能處小朝廷求活耶  
南宋書銓之初上書也宜與進士吳師古錄木傳之金人錄其書于金被誦時朝士陳剛中以啓賀銓云屈膝請和知廟堂禦侮之無策張膽論事喜樞庭經遠之有人同郡王庭珪以詩贈行云處兒不了公家事男子要為天下奇為人所訐師古廷珪剛中俱

盧肇海潮賦後序馬褐牛衣

原注古未有對者何云馬褐出左傳全云原注是正文 擇按牛衣出漢書王章傳

集證

晉志盧肇海潮詩賦一卷按今存

崔大雅詩草史直翁

制云皇祐之詔二老設凡以須熙寧之遇

四臣齋書而訪尚有斯禮勿遺爾心

原注三老桂衍任布四臣韓琦富弼文彥博

明堂都亭驛設帳九杖待之稱疾固辭任布傳政司司仁宗云

呂成公代其父倉部自黃州易守池州啓云爰考唐朝有杜牧把麾之舊其臨秋浦亦齊安解組之餘雖後先遷徙之偶同顧今昔風流之非匹

集證

通考東萊呂太史集十五卷別集十六卷外集五卷附錄三卷  
卷陳氏曰著作郎東萊呂祖謙伯恭撰其弟祖儉編錄凡家範尺讀之類編之別集策問宏詞程文之類總之外集年譜遠事則見附錄

端平初濟王夫人吳氏復舊封其父與蔣右史良貴有連良貴託先君代為謝丞相啓其末聯云孤忠未泯敢忘漆室之憂葵厚德難酬願效老人之結草良貴稱賞

真文忠除參政辭以疾趙南塘草詔曰漢御史大夫吉當封病上憂之夏侯勝謂必瘡果然後遂至相朕之賢卿甚於宣帝之德吉也卿其親醫藥自厚且先即舍拜命少閒可就車朕遣黃門



召見卿矣此詔有西漢風

**集證**宋史直德秀傳理宗端平二年三月拜參知政事時已得疾遂三上表乞祠帝不得已授資政殿學士提舉萬壽宮遂旬

**鄭威愍公驤**字士龍河南人建炎元年除

新除謝上章云關陝六七任不挂權臣之橫恩崇觀

二十秋靡沾故相之餘潤公之大節如此馮翊之死義其處之

有素矣

**集證**宋史鄭驤字士龍河南人建炎元年除直秘閣知同州金人陷城死之諡忠愍

**傳至樂**自得字凝遠上**周益公啓**云東門之柳自凋季泌譏揚國忠詩青東門柳歲晏復惟

**玄都之桃何在**劉禹錫詩元都觀裏桃味刀頭蜜彼刀頭之甌蜜得未錙

也

**集證**宋史張說傳說聞封人以父任為右職娶壽聖皇后女弟累

力言之范成大不草詞奪除說安遠軍節度使奉祠歸第未幾召

內祠簽書樞密院事右正言王希呂等交章論之起居郎莫濟不

書錄黃直院周必大不草答詔希呂責遠監當莫濟必大皆與在

外宮觀國子司業劉焯移書責宰相言說不當用亦坐黜于是說

勢赫然無敢擾之者淳熙元年帝廉知欺罔又被劾連降明州觀察使責居撫州二年許自便後卒于湖州

**或上朱文公啓**云問云何記膽曰此免解張克明啟中自敘語朱子謂此老子

**鏡之懷**窮窳崎嶇寄尋壑經止之趣行藏勛業銷倚樓看

**集證**天全集跋免解張克明啟行藏勛業銷倚樓看鏡之懷窮窳

而輒以自與何哉然亦濡滯於此而未得遂其所懷也三復其言為之太息庚子至前一夕六老軒書

**宋正甫詩**三甲未全一丁不識方樸山云余嘗以未

三甲未全一丁不識規六甲對不識一丁

或試縣學見黜後預鄉薦以啓謝縣令有不平之意

閻云宋處州士子終場者六人三人

與選謝主司啟云同嬰圃之觀人去者半存者半類孔門之取友益者三損者三

合蒼云大敵勇小敵怯昔固

有之今日是前日非吾無愧矣

毛憲守長沙謝韓平原

侂胄封平原郡王

云湖南之地二千里序詩幸託

於昌黎平原之客十九人脫穎願同於毛遂

毛澤民

滂啓云揚子雲貌寢官卑經雖玄而謂白

漢書揚雄傳

九方堙

機深識妙馬本驪而為黃

列子說符篇

李清卿水啓云斯風未泯則朝

取溫造而暮拔石洪

官昌黎送石洪溫造二處士赴河陽幕序

吾道不行則近舍皇甫

而遠求居易

唐書裴度傳何云不切

集登通考李忠愍集十二卷吏部侍郎臨洛李若水清卿撰言忠愍集今存三卷簡明書目謂詩文皆所造不深然光明俊偉之氣自不可掩忠臣孝子之文固不與詞人爭字句之工也

洪舜俞薦于鄉輩嶸監試後置為江東憲使舜俞分教番陽啓云

東坡倅錢唐曾在門外鵲袍之列

歐陽公知貢舉事見程史

半山憲江左亦

賞梁閒燕語之詩

何云劉季孫事見石林詩話

集證

岳珂程史歐陽公知貢舉省闈故事士子有疑評上請日晷

曰當弗對文忠不可竟出應鵲袍環立聽所問石林詩話劉季孫初以右班殿直監饒州酒刑公為憲江東巡歷至饒按酒務始

至廳事見小屏閒有題小詩曰呢喃燕子語梁閒底事來驚夢裏

閑說與傍人應不解按黎攜酒看支山犬稱賞之即召與語嘉歎久之升車而去

徐淵子為越教蒼項平甫

世安

云正恐異時風舞雪之流不無或者

月離畢之間

何云對似新然不為工

或蒼洪舜俞云魯直大名有皎潔江梅

之句少游下蔡無了東玉佩之詞

有郡守招士人教子辭曰士而託於諸侯非其義也師不賢於弟

子將焉用之

張宣公杖荅教官云識其大者豈誦說云乎哉何以告之曰仁義而已矣

集證通考南軒集三十卷侍講廣漢張杖欽

真文忠為江東轉運有民困於買鳩之役來訴公判云詔捕鷓鴣

若水尚還其使倪若水汴州刺史歲貢蚶蛤孔戣猶疏于朝孔戣華州刺史況

為州縣之官可恣口腹之欲

又媿為姜氏慶七十致語云今日王孫猶有承平之故態舊時竹

馬得見會昌之新春承平王孫見柳文姜舅誌

集證稱宗元故秘書郎姜君愕墓誌好游嗜音後加老風病手足

識承平王孫故態

衢州稽古閣書臯陶謨于屏其上梁文云臯陶若稽古事三朝稽

古之君孔子與斯文為萬世斯文之主何云宋人句法

王相燭字仲翔嘉熙理宗在位十三年丁酉間以親老辭督府辟其書曰昔溫

太真嶠絕衿違母以奉廣武之檄心雖忠而人議其失性徐元

直庶指心戀母以辭豫州之命情雖窘而人予其順天何云前節元字即佳

昌倚字夢得謝王岐公佳饋錢酒用白水真人青州從事岐公稱之

何云唐韋莊詩青州從事來偏執泉布先生老漸慳

集證復齋漫錄潘子直詩話記王禹玉元豐間以錢一萬酒二壺

為其切題東坡得夢得作啓謝之有白水真人青州從事禹王歎賞

云豈意青州六從事化為鳥有一先生二句渾然一意無斧鑿痕

更覺警切後漢光武紀論王莽忌惡劉氏以錢文有金刀故改

善別酒好者謂青州從事惡者謂平原督郵青州有

齊郡平原有鬲縣從事言到臈督郵言在膈上佳

夏文莊諫表云詩會餘紙之文簡凝含醜之墨餘紙見詩貝錦箋

筆銳千將墨含淳醜出文心雕龍秦啓晉篇贊何云餘泉貝甲白為質黃為文彩餘紙黃為質白為文彩

集證通考夏文莊集二十卷晁氏曰夏諫字子喬江州德安人初封其國後改封鄭謚文莊

獨孤綬駟象世以為工子雲甘泉晚而悔作晏元獻謂賦也獨孤

綬放駟象賦云返諸林邑之野歸爾梁山之隅時在偃兵豈嬰

乎燧尾上惟賤賄寧恤乎焚軀

集證按唐獨孤綬獨孤良器皆有放駟象賦載文苑英華並以珍其禽獸無有家國為韻良器賦云解網之惠無聞放鹿之仁

克類又云既絕燧尾之患不虞焚身之戮亦佳句也

唐律賦雜鳴度關宋言云秦關之百二難逞狼心笑齊客之三

千不如雞口何云雞口亦借宋人學唐專法此種

集證唐藝文志宋言賦一卷字表文

紹興中省試高祖能用三傑賦第四韻用運籌帷帳考官謂漢

乃帷幄漢書高紀張良傳皆作帷幄非帳字不敢取徹棘以語周益公益

曰史記云運籌帷帳之中史記高紀留侯世家皆作帷帳非誤也何云安得選如

蘇且議唐彥謙耳聞淳熙中省試人主之勢重萬鈞賦第一聯有用

洪鐘二字者考官哂之洪文敏邁典舉聞之曰張平子西京賦

洪鐘萬鈞此必該洽之士遂預選紹熙中四明試航琛越水詩

有用東坡船趨二字而黜者決得失於一夫之目其幸不幸若

此

集證蘇軾船趨風詩三句已過黃梅雨萬里初來船趨風自注吳中梅雨既過海船初回云此風自海上與船俱至云爾

東都之季清議扶之而有餘強秦之末壯士守之而不足原注前輩

世之基末韻末韻宜聰明而有作無作聰明由仁義以安行非行仁義原注母

行

非乃也。是其膳宰舉席閒之觴，釋椎鑿而上輪人議堂上之書。此工執藝事以諫賦聯也。

至云鄭千之謂誥命之體南渡以來龍谿汪公平園周公號為冠冕若厚齋王公尤所謂傑然者也咸熙德祐間社稷傾危近在旦夕而公四入中書遍行諸房詞命除目填委他令人間筆不下公獨從容授之若行雲流水冷然悠然而莫知紀極蓋會集群言而已意發之信所謂博極群書者也按千之跋深寧兩制文字之言如此今讀困學紀聞第十九卷足以見深寧平日從事於此者果非一日矣○千之又云公詞命激厲奮發足以感泣三軍按清容輓詩亦有丹詔三軍泣之語然則深寧之忠憤其寄之代言之文思以挽既去之人心而扶不支之天命者良可傷矣

校訂困學紀聞五箋卷之十九下

校訂困學紀聞五箋集證卷之二十上

凌儀 王應麟 伯厚

潯州閩氏 謝山全氏 易州程氏 義門何氏 橫山方氏 蔚亭萬氏

四明屠繼序校補

雜識

南豐跋西狹頌謂所畫龍鹿承露人嘉不連理之木漢畫始見於

今南豐金石錄跋尾邵公濟謂漢李翁王稚子高貫方隸釋高頤字貫方墓碑

刻山林人物乃知顧愷之陸探微宗處士輩尚有其遺法至吳

道玄絕藝入神然始用巧思而古意少減矣邵博聞見後錄今於盤洲

所集隸圖見之何云隸續劉寬碑頌載圖畫全云隸續中有圖五卷即當日隸圖也不知何以誤入隸續中予為別出之

集證洪適隸續載李翁五瑞碑黃龍白鹿連理嘉禾有一人承甘則乘車而東者二人挽之者橐佗也王君平生官簿互見于兩闕之上高頤碑兩螭蟠其首文在穿下凡十八行行二十一宇

沈作恭寓南豐跋漢武都太守西狹頌謂得此圖然後始見漢畫然予見王逸少帖云成都學有文翁高朕石室及漢太守張收

畫三皇五帝三代君臣與仲尼七十弟子畫皆精妙可觀予後因從蜀人求臨本晚乃得石刻信如逸少言然則石室之畫又先武都矣于固蓋未之見

曹操夫人與楊彪夫人書送房子官綿百斤古文苑誤為官錦而

注者妄解章樵注釋按魏都賦綿纈房子晉陽秋有司奏調房子

陽綿何云注房武帝不許水經注房子城西出白土可用濯綿晉

秋水經注並引見御覽八百十九

集證簡明書曰古文苑二十一卷不著編輯者名氏書錄解題曰唐人舊本宋孫洙得於佛寺經龕者淳熙中韓元吉編

紹興中章樵又釐為二十一卷為之注釋御覽引鄭善長水經注房子城西出白土細滑如膏可用濯綿霜鮮雪曜異於常也

俗言房子之綿也亦類蜀郡之錦得江津矣故歲貢其綿以充御府又引盧毓冀州論房子好綿地產不為無珍也梁元帝

善惡以熟言若孟子之仁也熟漢五行志季氏之嘗也熟也

者曰原達成實論行惡見樂為惡未熟至其惡熟自見受苦行善見善

為善未熟至其善熟自見受樂其言善惡之熟亦名言也

集證魏書釋老志羅漢菩薩相繼著論贊明經義以破外道摩訶衍天小阿毗曇中論十二門論首法論成實論等是也隋書經籍志鳩摩羅什譯維摩法華成實論諸經及曇無讖所譯金光明曇摩羅懺所譯泥洹等經並為大乘之學

仁宗奉太宗御書大相國寺額於石即寺為殿而藏之御飛白名

曰寶奎殿紹興庚辰三十宏辭以寶奎殿太宗皇帝御書贊命

題唐說齋仲友申選但云慶歷二載而不紀月日詳見辭學指南以實

攷之乃二年正月辛未也蘇子美作寶奎殿頌周益公題其後

云上宰宗工更為辭章者謂呂夷簡作記章得象題額之類實

錄云命夷簡撰記而說齋謂煥乎堯章親加記述亦誤

集證玉海三十四貫錄至道元年五月重脩大相國寺廣殿庭門廊樓閣凡四百五十五區寺額太宗御書也慶曆元年八月

錢三唐仲  
文說齋

甲申上謂輔臣曰近初一小殿禁中而有司過為侈麗不欲毀其成功今大相國寺方營殿藏太宗親書寺額可遷置之曰夷簡因言陛下孝以奉先儉以率下聖人之盛德也二年正月辛未詔以大相國寺新修太宗御書殿為寶奎殿墓太宗御書寺額于石上飛白題之命宰臣呂夷簡撰記章得象篆額樞密使晏殊撰御飛白書記云翔翬結宇液金填畫騰虬龍于鸞首潤雲霧于翠珉

舊制麻三道以上雙宣學士分撰元豐末鄧潤甫字溫伯為學士二

夕鎖麻二十二通靖康元年麻六道權直院莫儔字壽明政和二年狀元獨

宿

集證清波雜志故事鎖學士院有四制則並命學士分撰謂之雙鎖劉原父立馬而草九制人固已服其敏鄧溫伯為內相當元豐末建儲親王及內外將相進恩一夕獨草制二十二道益敏而工其有腹葉耶

翰苑未嘗草追贈制紹定六年十月史彌遠贈中書令追封衛王

命學士院降制學士言非典故詔特與降制

太一宮四立用祝文舊用定本紹定二年十二月始命學士院撰

述

集證玉海一百太平興國六年司天楚芝蘭奏立太一宮每歲四命廷臣內侍各一人掌之三歲一易以兵衛守雍熙元年三月

子立夏致享祠官成集甘露降祠庭八月丙申先遣學士賈黃中致祭丁酉帝親祠按雍熙元年所撰祝文載玉海

親王初除有布政榜首云應某軍管內尾云榜某軍仍散下管內

謂所領節鎮也前輩制集皆可考淳熙十六年皇子封嘉王在

政榜乃云嘉州管內蓋草制者失之開禧元年皇子封榮王榜

威武軍合舊典矣蓋節鉞初除以勅書示諭本鎮亦唐朝隃領

之制也蕭嵩遙領河隃即遙字唐南節度若封王或以國如周魯或以州如兗雍

之類未嘗有所領之國咸淳二年余草福王制院吏欲以布政

榜下福州余引故事榜所領兩鎮

錢云隃即遙字

錢云後鳳  
字子儀嘉  
定十二年  
以祕書省  
正字兼翰  
林權直

陳自明名晦紹熙初元年宏辭已入等同試者摘周五射記用襄

尺字以為犯漢王諱原注襄音讓慶元四年從臣薦之謂襄字雖同音

嫌名不當避乃賜同進士出身詞學指南云侍從言記問文采洞

不應避詔與徐子儀鳳名嘉定中七年試宏辭甘石巫咸三家星圖

序引周禮筮人巫咸本注巫當為筮非殷巫咸主司黜之而薦

于朝詞學指南云貢院言引周禮是旁證即非本不數年入館掌制

闕云王氏父搆字謙父嘉定進士第同年余天錫參知政事屬教其子弟歲終終

束脩以謝堅却不受曰吾一兒習詞學鄉里無完書願從公求尺牘丐借用益公

傅內翰番陽三洪公餘習詞學者凡二十餘家所藏書余欣然應之後二子皆中詞科由此

集證同禮地官保氏注五射自矢參連刻注襄尺非儀也疏襄尺

易觀初六注處於觀時而最遠朝美湯邦彥字朝美本此湯

年宏詞科列子觀神尼陸游字和

蘭石本淮南子蘭生而芳石生而堅淮南說林訓按論衡本性篇不生

唐皇甫湜字持正本詩湜混其注箋那風谷風詩箋湜與持正貌黃

柳子先友記王紆有學術曾直方樸山云按朝廷之美濟濟其禮記少儀文

彥字或取此文與命名相配若謂取諸易則初六童觀小人道也豈當乎取王

以為斷章之求乎○又云鄭注讀少儀美字為儀然字則仍美字也

朱文公門人晏淵晏音緩晉有晏清闕云晏淵即大全集之晏亞夫○全

於吾鄉史氏即靜清也

集證通志氏族略五晉有西中郎將晏清又宣州刺史晏靜雷

後徙居蜀家培坪山受學於晦菴

西王母山海經云狀如人狗尾今本作蓬頭戴勝善嘯居洵水之

涯西山經大穆天子傳注云虎齒蓬髮

集證西山經玉山是西王母所居也西王母其狀如人豹尾虎齒

而善嘯蓬髮載勝是司天之屬及五殘天荒西經炎火之

困學紀聞五卷集證卷二十一上



漢天文志天曜而見景星注曜精明也集韻云晴字

**集證** 更記天官書天晴而見景星（視按說文無曜晴二字夕部下有姓字云雨而夜除星見也從夕生聲鉉曰今俗別作晴是非）

易緯是類謀曰民衣霧主吸霜閒可倚杵於何藏（鄭注民衣霧主吸霜甲奪尊之服閒）

可倚杵言相近於河圖挺佐一輔曰百世之後地高天下千歲

之後天可倚杵（引見御覽二原注楊文公詩有倚杵碧天之句）

**集證** 徐堅初學記天部事對引河圖挺佐輔云百世之後地高天

千歲之後而天可倚杵（洵隆隆會莫知其終始）

士冠禮肩壽萬年古文肩作麋（上冠博古圖雖公緘鼎銘用乞麋）

壽萬年無疆

**集證** 大戴禮記圭言篇愀然揚麋（荀子非相篇伊尹之狀面無）

壽無疆（故北海相景君碑不永麋壽） **集證** 周高克尊銘用屈

集韻吳人謂赤子曰狻豸音鴉牙雜記注嬰猶鷺彌也（中路嬰兒註）

子音義倪謂繁倪小兒也（反其旄倪音義）

周禮斲人注（斲云楊升菴廣之曰大戴禮記蘭氏之根懷氏之苞王褒洞簫賦幸得）

鯨魚字（賈疏云字猶名也鯨魚名） 以魚名為字亦奇語也

**集證** 容齋三筆王子淵簫賦曰幸得（諡為洞簫分蒙聖主之渥恩）

諡魚字可以為對

石鼓文帛魚鱗鱗又云有鯨有鯨即白魚也

**集證** 石鼓文瀟有小魚其游趣趣帛魚鱗鱗其菹（氏鮮黃帛其鱗）

薄陌切音白說文鮪海魚也博雅鮪鱈也集韻音把義同

春秋正義

宣四年

手五指之名曰巨指

原注儀禮大射孟子云巨壁闕云國語云毋

食指

原注左傳將指

原注儀禮鄉射大射注設決朱極三注云闕云既夕記亦名中指何云疏足以大指為將指手中指為將指

無名指

原注孟子

小指

儀禮特牲饋食少牢饋食云季指

集證

儀禮大射之儀司射適次袒決遂執弓挾乘矢於弓外見於於弣右巨指鉤絃注右巨指右手大擘左傳宣四年子公

之食指動注食指第二指也正義曰食指者食所偏用服虔云俗所謂噍鹽指也天射之儀小射正坐奠箚於物南遂拂以由取決與贊設決朱極三注極猶放也所以箚指利放弦也以朱韋為

之三者食指將指無名指持牲饋食禮少牢饋食禮實于左袂挂于季指注

季猶小也

館閣書目蠶書一卷南唐秦處度撰以九州蠶事獨兗州為最按

蠶書見秦少游淮海後集少游子湛字處度官宣以為南唐人

誤矣

集證

書錄解題中興館閣書目三十卷秘書監臨海陳叔達等撰又秦少游蠶書一卷見少游淮海集第六卷

書一卷有種變至成治題秦觀撰其序云予閒居婦善蠶從婦蠶作蠶書考之禹貢揚梁幽雍不貢繭物充篚織文徐薛元繼荀荆釐元纁璣組豫篚織績青篚壓絲皆繭物也而桑土既蠶獨言于兗則九州蠶事究為最乎予游濟河之間知兗人可為蠶師今所書有與吳中蠶家不同者皆得之兗人也

水母目蝦見郭景純江賦樂城蘇詩云去住由人真水母筆瓢粗

足亦山雌何云用法言

集證

江賦注水母有智識無耳目故不知避人常有蝦依隨之蝦見人則驚此物亦隨之而沒南越志海岸閒育水母東海

謂之雌法言修身益山雌之肥其意得乎或曰回之筆瓢膠如之何曰明明在上百官牛羊亦山雌也閭闔在下簞瓢捧茹亦山雌也何其膠注山雌言山梁雌雉

雌言山梁雌雉

殷芸小說蔡司徒說在洛見陸機兄弟住參佐解中三間瓦屋士龍

住東頭士衡住西頭此下世說猶有士龍為人文弱可愛士衡長七尺餘聲作鍾聲言多忼慷四句東坡詩

自甘茹屋老三閒簡齋閩云簡齋陳與義號詩士龍同此屋三閒又云士衡

去國三閒屋

集證

按此條見世說新語賞譽門是殷芸小說所本。宋志陳與義詩十卷按今題簡齋集十六卷。

唐西域傳末祿有軍達泥婆羅獻波稜皆菜名也

原注張文潛謂波稜自波陵國來說本

韋絢劉公

嘉話錄

集證

唐西域傳末祿在大食之東疏有類蔥葛藍軍達芡薤又泥婆羅貞觀二十一年遣使入獻波稜酢菜渾提蔥劉禹錫

嘉話錄波稜種自西國有會將其子來云本是頗陵國之種語訛為波稜耳唐會要太宗時尼波羅國獻波稜菜類紅藍實如疾

蔡火熱之能益食

呂成公曰秦多良醫醫緩醫和皆秦人

見左

尸子亦云醫均者秦

之良醫

引見御覽三百七十一蜀云韓非亦有秦醫善醫之說又云刺殺扁鵲者亦秦太醫令李醯也

集證

御覽引尸子有醫均者秦之良者也為宣王割痲為惠王治時皆愈張子青腫謂均曰背非吾背也任子製焉治之遂愈

醫均善治疾張子委製焉夫為身與國亦由此必有所委製然後治矣

巫彭作醫

原注春秋審分覽勿躬篇

岐伯祖世之師曰僦貸季

原注素問

至水素問注上

古醫曰苗父

原注說苑辨物篇云問云漢藝文志太古醫有岐伯俞府應劭曰黃帝時醫

集證

呂氏春秋勿躬篇大樛作甲子駘如作虜首容成作麻義和作市儀狄作酒高元作室廣作舟伯益作井赤冀作曰乘雅作駕寒哀作御王冰作服牛史皇作圖巫彭作醫巫咸作參此二十

官者聖人之所以治天下也素問上古使僦貸季理色貸季理色脉而通神明王冰注岐伯祖世之師說苑辨物篇中庶子離

扁鵲曰吾聞上古之醫曰苗父中古之醫曰俞府子之方能如此

乎按淮南人閉訓扁鵲俞跗之巧注俞跗黃帝時醫又郭璞巫咸山賦序巫咸以

鴻術為帝堯醫

黃石圮老教授福州聞李葵李柑林之奇為眾推服即走其家備

禮延致呂太史

祖祭林宗丞少穎文所謂二李伯仲蓋葵之子

柑樛也

原注蔡字裝明字柑字和伯樛字廷仲

里居之良若方若陸旁郡之士若胡芾

劉

原注方德順陸亦顏胡原仲劉致中見呂居仁寄和伯少穎廷仲詩

云倪思  
齋齋

齊齋倪公思三戒不安出入不安言語不安憂慮

呂成公謂爭校是非不如斂藏持養全此名言也深望其有感於

李猷護陳東之喪黃子游調歐陽徹字德明之葬皆義烈士也

明人黃亦寓居焉志吾鄉人物者宜特書之以厲澆俗至云番游莆田

後移居吾

集證南宋書陳東歐陽澈傳高宗即位召東至未對會李綱去上

潛善以語激帝乃與澈同斬於市四明李猷贖尸瘞之許翰在政

者哀

淳祐丙午衢士柴望字仲山號秋堂衢州江山人上丙丁龜鑑其表云今來古

往治日少而亂日多主聖臣賢前車覆而後車誠全云丙丁龜鑑

集證北偶談宋理宗淳祐中柴望上丙丁龜鑑十卷自秦莊至

張鷟自號浮休子李自有贈參寥子詩張芸叟僧道潛復以自號

集證鷟氏讀書志唐張鷟文成自號浮休子取莊子其生也浮其

參寥子詩王琦注云參寥子當時逸士其姓名無考蓋取莊子元

真聞之參寥之義以為號宋僧道潛一名曇潛號參寥子撰參

近世記錄多誤無垢心傳錄以王叔文之黨陸質為陸贄陸厚非

也陸質初名淳

集證宋志張九成無垢

磨納集王公庭秀字彥穎作於紹興王子放其論議以鄭介夫彼為

妄言陳少陽東為鼓變是配豐之法度非元祐之紛更謂黨人

因學巴蜀五卷集證卷二十一上

錢云張鷟  
民字共叟  
號浮休僧  
道潛一名  
曇潛號參

參

子孫為謬賞謂蘇黃文章為末藝甚者擬程子之學於墨釋氏而以易傳為謝楊刪潤成書其反理詭道甚矣詆趙鼎張浚二

相尤力蓋自紹聖以來姦愴茂惡家以荆舒為師人以章蔡為賢邪說詖行沈酣入骨髓更中天之禍蕭艾不嫌士習熟見聞

至紹興閒邪詖猶肆行筆之簡牘不恥也是故人心不正其害烈於洪水猛獸吁風俗移人可畏哉（閩云王庭秀慈谿人為王氏鄉先

皆吾鄉人又同時其一問學楊文靜公文學詩於山谷宋史有傳乃慈谿人其一著磨衲集者為鄞人袁清容延祐四明志竟合為一人非也

發漢陵者樊崇董卓也發唐陵者溫韜也惡復誅臻天道昭昭矣

（閩云此其有感楊璉直仰之

成湯周公皆坐以待旦康王晚朝宣王晏起則關雎作諷姜后詩

愆況朝而愛業為士之職書曰夙夜浚明有家孝經言卿大夫

之孝引詩云夙夜匪懈言士之孝引詩云夙興夜寐讒鼎之銘曰昧且不顯後世猶怠叔向所以戒也二晨晏起一朝科頭管

幼安所以懼也在家常早起杜子美所謂質朴古人風者也（吾宗

雞鳴咸盥櫛問訊謹暄涼宋子之詔童蒙也觀起之蚤晏知家之興廢君子之訓門人也起不待鳴雞陸務觀示兒之詩也

雞鳴率家人同起不可早晏無常葉少蘊與子之書也雞鳴而起決擇於善利之間為舜而已矣

晉殷仲堪父師病積年衣不解帶躬學醫術究其精妙（善書殷仲堪傳）北齊李元忠母多病專心醫藥研習積年遂善方技（元忠傳）李密

集證（祝穆事文類聚晉書）避難遼東還泛海遭風船垂傾沒（宣思懿口五言）一朝科頭三晨晏起（今天怒猥集過）恐在此

母患積年精習經方洞開針藥母疾得除附見李元忠傳隋許智藏祖

道幼以母疾究極醫方誠諸子曰為人子者嘗膳視藥不知方

術豈謂孝乎隋書藝文傳文中子母銅川夫人好藥子始述方文中子天地篇

唐王勃謂人子不可不知醫時長安曹元有祕術勃從之游盡

得其要唐書文藝傳甄權以母病與弟立言究習方書方技傳王壽母

有疾視絮湯劑數從高醫游遂窮其術附見王壽傳李逢吉父顏有鋼

疾自料醫劑遂通方書李逢吉傳杜鵬舉母疾與崔沔同授醫蕭亮

遂窮其術附見杜鵬舉傳程子曰事親者不可不知醫

集證北齊書李元忠傳元忠族弟密字希邑母患積年得名醫治

康節邵子之先世家于燕父伊川丈人開道奔本朝何云堯夫墓誌乃明道所作但云系

出召公故世為燕人大王父諱今進以軍職逮事藝祖始家衡漳

父諱古皆隱德不仕安得有其父開道來奔之事大抵出自其後

祿為箕子乃絕口不言原注伯溫于溥自禮部郎使燕道涿州良鄉拜墓

歲在壬辰本朝淳化三年也至宣和六年壬辰適百二十年伯溫記其異公案宣和六

乃甲辰非壬辰也何云今進既逮事藝祖安得太宗淳化三年尚建寺於遂之境內

○伊川丈人詳見卷一

集證李幼武名臣言行錄外集邵雍其先范陽人徙衡漳又

蘇魏公頌書帙銘曰非學何立非書何習終以不倦聖賢可及蒲

傳正宗戒子弟曰寒可無衣飢可無食至於書不可一日失何

太史公素王妙論曰關隋經籍志子部五行有太史公素王妙義二卷亡王

里也黃帝設五法布之天下用之無窮蓋世有能知者莫不尊

見越世家註諸稱富者非貴其身得志也乃貴恩覆子孫澤及鄉

南陽人一語

見越世家註

南陽人一語

見越世家註

南陽人一語

見越世家註

親如范子可謂曉之矣管子設輕重九府行伊尹之術則桓公以霸范蠡行十術之計二十一年之間三致千萬再散與貧見御覽四百七十一原注史記正義

利者天子所罕言又曰如不可求從吾所好太史公著論以素王名而言求富之術豈以家貧無財賂有激而云如貨殖傳之意歟然何足以為妙論何云妙論意者論云

戲論也

集證漢藝文志故太史公素王妙論七略云司馬遷撰史記正義云二卷隋經籍志梁有太史公素王妙論二卷

百四引太史公素王妙論曰計然者蔡邱濮上人其先晉國公子也姓辛氏字文子嘗南遊越范蠡師事之又四百七十二引諸稱富者云云此堂書鈔刑法類引黃帝設五法佈之天下

先聖冕服祥符二年賜曲阜文宣王廟冕九旒服九章熙寧八年國子監言唐開元中尊孔子為文宣王內出王者袞冕之服以

衣之宜用天子之制禮院議依官品衣服令用九旒崇寧二閣

年改用冕十二旒服九章

集證宋史禮志元祐六年國子司業蔣靜奏言宜考正先聖之冕服於是增文宣王冕為十有二旒

禮記於禮之變皆曰始孔氏之不喪出母自子思始也士之有誄

自此爾云此字當作縣費父下國方心禮云士之有誄自此始也始也

邾婁復之以矢蓋自戰於升陘始也魯婦人之鬢而弔也自敗

於臺始何云當作狐始非臺也又云禮記作臺音始也帷殯非古也自敬姜之

殯穆伯始也廟有二主自桓公始也喪慈母自魯昭公始也下

殯用棺衣閣云衣下脫棺字自史佚始也庭燎之百由齊桓公始也大夫

之奏肆夏也由趙文子始也大夫彊而君殺之義也何云閭校彊而君殺之義

由三桓始也何云閭校脫公廟之設於私家非禮也由三桓始也

之義也由三桓始也此等特性正文其上云云 玄冠紫綬自魯桓公始也

大夫而饗君非禮也不指三桓潛邱駁之何 朝服之以縞也自季康子始也夫人之不命於天子自魯昭公

始也宦於大夫者之為之服也自管仲始也左氏傳始用六佾

晉於是始墨何云閭校脫始用葛弗始厚葬始用殉魯於是乎始髻魏絳於

是乎始有金石之樂始用人於臺社魯於是始尚羔亦記禮之

始變也孔子惡始作俑者始之不謹末流不勝其弊劉懋撰器

物造作之始為物祖附見後魏書劉芳傳劉孝孫房德懋集經史為事始

原注馮鑑續事始宋繪撰事原高承增益為事物紀原然所載乃事物之始不足以垂訓戒司馬

文正公言唐始令妃主葬日皆給鼓吹何云給鼓吹僅可一用之平陽昭公主耳非令典

不足法蘇文忠公言春秋書作正甲用田賦皆重其始為民患

中國史記之曰青苗錢自陛下始豈不惜哉皆得謹始之義

顧仲恭以通書亦未必精審勝吾輩初怪其言之太過今氏在傳禮尚爾余又勝慨嘆仲恭言端有味哉

集證後魏書劉芳傳芳從子懋字仲華撰諸器造作之始十五卷名曰物紀同唐志小說家事始三卷劉孝孫房德懋撰

類分門為事始三卷又云後蜀馮鑑采羣書續事始五卷宣和中朱繪以事始略撰事原三十卷又云書目云事物紀原十卷元

豐中高承以劉存馮鑑事始刪謬除復增益名類皆援據經史以推原初如凡

二百七十事

周 林雜占曰占天雨否外卦得陰為雨得陽不雨其爻發變

得坎為雨得離不雨巽化為坎先風後雨坎化為巽先雨後風

引見太平御覽

集證隋志五行家周易集林十二卷京房撰七錄云伏萬壽撰

江總詩聊以著書情暫遣他鄉日程易田云晉書祖納好奕棋王隱曰禹惜寸陰不聞數橫網對日亦忘憂耳隱曰國

史明乎得失之跡俱取散愁此可兼濟何必圍棋前半教以惜陰元城劉公即元城不可遣之意後半教以讀史散愁即江總著書遣日之意



歲晚閑居或問先生何以遣日公正色曰君子進德修業惟日不足而可遣乎何云總詩是詩人常語元城則聖門事也程子曰人不學則老而衰

陳正獻公疏曰懲羹者必吹於齋傷桃者或戒於李楚辭情誦云懲熱羹而吹噓九章北夢瑣言唐明宗不豫馮道人問曰寢膳之間宜思調衛指果實曰如食桃不康他日見李思戒

集證通考北夢瑣言二十卷晁氏曰荆南孫光憲撰

尹和靜謂動靜一理伊川曰試喻之適聞寺鐘聲曰譬如此寺鐘方其未撞時聲固在也伊川喜曰且更涵養見祖寬語錄朱文公在同安夜聞鐘鼓聲聽其一聲未絕而此心已自走作因此警懼乃知為學須專心致志先儒於鐘聲之入耳體察如此

東坡策別均尸口曰當成康刑措之後其民極盛之時九州之籍

不過千二何云千三下脫一百字萬四千有餘夫地以十倍而民居其一東坡

策別按晉書地理志民口千三百七十一萬四千九百三西晉云按郡國志

引三二十三蓋周之盛也原注見帝王世紀引見續漢郡國志注

集證續漢郡國志注引帝王世紀云周公相成王致治刑措民口千三百七十一萬四千九百二十三我自古戶口詳續漢志注引帝王世紀

吳仁傑鹽石新論取潛夫論洗金以鹽攻玉以石潛夫論實三頁篇○閻云潛夫論洗

本作治又云何此瞻曰治仍作洗妙盡物理

集證宋志吳仁傑鹽石論丙丁二卷王符潛夫論實三頁篇攻玉醜化以石洗金以鹽灌錦以魚浣布以灰夫物固有以賤理貴以

醜化好者

土牛之法以歲之幹色為首支色為身納音色為腹以立春日幹色為角耳尾支色為脛納音色為蹄景祐元年以土牛經四篇

頌示天下丁度為序

集證

宋志丁度土牛經一卷。云經天文編陳氏曰土勝水牛善耕勝水故可勝寒氣善耕故可以示農耕之早晚土牛之法如甲子歲甲為幹色青為牛首子為支色黑為身納音金色白為腹又如丙寅日立春丙為幹色赤為角耳尾寅為支色青為脛納音火色赤為蹄餘倣此。

黃石公記云黃石鎮皇之精也黃者鎮星色也石者星質也

東坡以圮上老人為隱君子

何云秦水德子房自謂師黃石始託意於上能剋水耳厚齋其亦寓報韓之志乎

成都石經孟蜀所刻於唐高祖太宗之諱皆缺畫

說本隨筆 范曾公質

相本朝其誠子姪詩曰堯舜理曰深泉薄冰猶不忘唐也

何云乃相承以

熟未可為不忘唐之證也厚齋特望人不遠忘宋耳

集證容齋隨筆蜀本石九經皆孟昶時所刻其書淵世民三字皆缺畫蓋為唐高祖太宗諱也昶父知祥嘗為莊宗明宗臣然

於存易嗣源字乃不諱前蜀王氏已稱帝而其成立韻與寺及唐諸帝亦皆半闕乃知唐之澤遠矣。鬼氏志石經尚書十三卷為蜀周德真書論語十卷張德鈞書皆缺唐諱蓋孟氏未叛唐時所刻毛詩二十卷禮記二十卷皆張紹文書左氏傳三十卷不題書人姓氏則不缺唐諱當是知祥僭位後刻石也

劉夢得曰於竊鉄而知心目之可亂於撥蜂而知父子之可

聞琴操於拾煤而知聖賢之可疑家語在厄篇東坡辯策問秦劄引之

而改撥蜂一句云於投杼而知母子之可疑史記甘茂傳於拾煤而

知聖賢之可疑

鼂文元明遠公平生不喜術數之說術者嘗以三命語之公曰自

然之分天命也樂天不憂知命也推理安常委命也何必逆計

未然乎慈湖先生楊簡字敬仲謂真文忠公曰希元繼序按宋史真德秀傳則字景希有

志於學顧未能忘富貴利達何也公莫知所謂先生曰子嘗以

命訊曰者。故知之。夫必去是心而後可以語道。

張文潛寓陳雜詩言顏平原事。誤以盧杞為元相國。

李長吉有春歸昌谷詩。張文潛春游昌谷訪長吉故居。云惆悵錦

囊生遺居無復處。原注在河南福昌縣三鄉東。

集證按今河南河南府宜陽縣唐宋之福昌也。縣西有昌谷水與甘水俱流注于洛水。

唐六典注崔寔正論云熊經鳥伸延年之術。故華佗有八禽之戲。

魏文有五槌之鍛。正論後漢華佗傳云五禽。全云熊經魏志作熊經。魏志華佗傳一曰虎二曰鹿三曰熊四曰猿五曰鳥是為五禽之戲。

曰鹿三曰熊四曰猿五曰鳥是為五禽之戲。

集證魏志華佗傳吾有一術名五禽之戲。一曰虎二曰鹿三曰熊四曰猿五曰鳥亦以除疾並利蹄足以當導引。抱朴子內篇至理有吳普者從華佗受五禽之戲以代導引。按淮南精神訓云是故真人之所游若吹呬呼吸吐故納新熊經鳥伸鳧浴蟻

躩鷓視虎顧是養形之人也不以滑心據此則六禽之說亦有所本。

詩釋文草木疏云葍蕪菁也。今本作蔓菁。郭璞云今菘菜也。按江南有

葍今本江北有蔓菁相似而異。以上荆風釋文。張文潛詩蕪菁至南皆

變菘菘美在上根不食。瑤簪玉筍不可見。使我每食思故國。

集證菘含草木狀蕪菁嶺嶠已南俱無之。偶有土人因官攜種就彼種之。出地則變為芥亦稱種。江北為菘之義也。至曲江方有菘。彼人謂之菘菘。

謂之菘菘。

司空表聖題東漢傳後有取於陳太止之容。郭有道之誘人。此

表聖所以自處也。開云元求江南人才至矣。而王氏以博學雄文弓旌獨不及焉。當時必有所以自處者。

化書曰奢者富不足。儉者貧有餘。奢者心常貧。儉者心常富。化書

儉說曰貪饕以招辱。不若儉而守廉。

干請以犯義。不若儉而全節。侵牟以聚仇。不若儉而養福。放肆

以逐欲。不若儉而安性。皆要言也。河云晏子齋於已不齋於人。謂之儉。齋於人不齋於已。謂之吝。齋於人并

畜於已謂之愛儉者君子之德也吝與愛小人之事也

**集證**

書錄解題化書六卷南唐宰相盧陵宋齊邱子嵩撰按今本題南唐譚峭撰宋齊邱據為已作故亦謂之齊邱子凡六篇曰道化術化德化仁化食化儉化峭本道士故大旨多出于黃老而附合于儒者之言

荀悅申鑒曰觀孺子之驅雞而見御民之術孺子之驅雞急則驚

緩則滯馴則安

申鑒政體篇今本與此小異

按許渾詩遜跡驅雞吏

司馬公時至獨樂園危坐讀書嘗云草妨步則薙之木礙冠則

芟之其他任其自然相與同生天地閒亦各欲遂其生耳張文

潛庭草詩云人生羣動中一氣本不殊奈何欲自私自害彼安其

軀亦此意也觀此則見周子廳前草不除之意

**集證**

洛陽名園記司馬溫公在洛陽自號迂叟謂其園曰獨樂園蘇子山獨樂園詩子陸工中親藝麻邵平東陵親種瓜公歸去事農圃亦種洛陽干本花

王渙之

渙之字彥舟

曰乘車常以顛陸處之乘舟常以覆溺處之仕宦

常以不遇處之無事矣

詳宋史本傳

此言近於達者

民不可與慮始商鞅之變法也百姓何足與議董卓之遷都也哂

百姓以從已欲其效可睹矣

後魏溫子升聞闔門上梁祝文云惟王建國配彼太微大君有命

高門啓扉良辰是簡枚卜無違彫梁乃架綺翼斯飛八龍沓沓

九重巍巍居宸納祐就日垂衣一人有慶四海爰歸此上梁文

之始也

說本能改齊漫錄

原注見郎儔猶言兒郎懋攻魏常辯按書傳所見上梁文每發號必呼兒郎儔

**集證**

愛日齋藥抄上梁文吳氏漫錄攷其所始云後魏溫子昇有詩今時有詩語也樓大防參政又考兒郎儔始于方言其說云上梁文必言兒郎儔或以為唯諾之唯或以為奇偉之偉皆未安在勅局時見元豐中獲盜推賞刑部例皆即元案不改俗語有陳棘云我部領你懋願遂去深州邊吉云我隨你懋去懋本音悶俗音

門猶言輩也獨秦樹李德一案云自家偉不如今夜去予笑曰得之矣所謂兒郎偉者猶言兒郎懋蓋呼而告之此關中方言也樓公考據如此予記呂氏春秋審應淫辭篇云舉大木者前呼與譎後亦應之高誘注為舉重勸力之歌聲也輿譎注或作邪譎淮南子曰邪許豈偉亦古者舉木隱和之音

真文忠公曰仁義足以包寬嚴而寬嚴不足以盡仁義

傅之席銘左端曰閑居勿極其歡右端曰寢處毋忘其患左後曰

居其安無忘其危右後曰惑生於邪色禍成於多言冠銘曰居

高無忘危在上無忘敬懼則安敬則正被銘曰被雖溫無忘人之寒無厚於己無薄於人

並引見藝文類聚服飾部

梁元帝孝德傳天性讚曰欲報之德不可方思涓塵之孝河海之

慈引見藝文類聚孝類即孟東野寸草報春之意孟郊遊子吟

集證爾史梁元帝撰孝德傳息臣傳並三十卷梁元帝德傳天

不可方思涓塵之孝河海之慈廢書歎息泣下漣漣

蘇子由記杉謂求之於人蓋所謂不待文王而興者陳同甫之言

梅也亦然

漢桓永壽二年戶一千六百閣云按本作十七萬七千九百六十至晉武太

康元年平吳戶止二百四十五萬九千八百四十晉書地理志隋文

開皇中戶八百七十萬至唐高祖武德初戶止二百餘萬高宗

永徽初會要云永徽三年通典云元年戶僅及三百八十萬玄宗天寶末戶八百

九十一萬四千七百九至肅宗乾元三年戶止一百九十三萬

三千一百三十四以上並見唐會要禍之慘如此閣云按孝平元始二年戶千

十一至光武中元二年戶止四百二十七萬千六百三十四

集證按續漢郡國志注引帝王世紀云漢桓永壽二年戶二千六百七萬九百六十四晉地理志云桓帝永壽三年戶千六十七萬

七千九百六十數與世紀異晉志太康元年平吳戶二百四十五萬九千八百四十 玉海二十會要永徽三年民部尚書高履  
行奏隋開皇中戶八百七十萬武德初戶二百餘萬今戶三百八十萬又云天寶四載戶八百九十一萬四千七百九又云天寶中  
編戶九百餘萬肅宗乾元三年戶止一百九十三萬  
三千一百三十四至大曆中惟有一百三十萬戶

劉夢得何卜賦云同涉于川其時在風浴者之吉泝者之凶同藝于野其時在澤伊種之利乃種之厄東坡詩耕田欲雨刈欲晴去得順風來者怨本此意

隋煬帝謂蕭后曰儂不失為長城公卿不失為沈后長城公謂陳後主沈后者後主之沈后也通鑑釋文以沈音沉謂沉湎之后誤矣全云胡身之已辨之

集證陳書後主沈皇后諱姿華身居儉約惟尋閱圖史釋典為事  
陳亡入隋及煬帝崩自廣陵過江於毗陵天靜寺為尼  
海四十七通鑑釋文三十卷史紹字見可紹興三十一年上  
元胡三省撰通鑑釋文辨誤十二卷南宋時通鑑釋文

白海陵本一曰龍爪本皆從史紹書勸製成篇而紹事  
三省既註通鑑乃舉煬書之誤一一辨之海陵本龍爪大與之同  
考亦附註於下

曾收字彥和為書解朱文公呂成公皆取之館閣書目書講義博士曾收等解蓋誤以收為肢

集證宋志曾收等尚書講義三十卷 朱子云曾彥和熙豐後人解禹貢林少穎吳才老其取之

伐吳之役利獲二俊張華之稱陸機雲也晉書陸機傳平齊之利唯在於爾周高祖之諭李德林也北史李德林傳機雲於河橋之役與王師為敵其不忠大矣德林願以死奉楊堅復以所以事齊者事周矣二國何利焉是以持國必崇名節持身必守行誼全云感

錄異傳曰周時尹氏貴盛五葉不別會食數千人遭飢荒羅鼎作粥引見初學記食春秋書尹氏譏世卿然能與周同盛衰者亦

有家法維持之也近世紀輿地者謂尹吉甫蜀人爲作清風堂其謬妄甚矣物則兼藝之詩吉甫庶幾知道者而不能察掇蜂之讒能知而不能行也

**集證**按錄異傳隋唐志不著錄藝文類聚初學記御覽屢引之通志氏族啞尹氏少昊之子封於尹城因以爲氏子孫世爲周卿士食采于尹今汾州有尹吉甫墓

**王羲之傳論**唐太宗撰師宜懸帳之奇以衛恒四體書序引見魏志攷之武帝紀註攷之懸帳乃梁鵠書非師宜官書也

**集證**衛恒四體書序漢靈帝好書時多能者而師宜官爲最每書輒削而焚其初梁鵠乃益爲版而飲之酒候其醉而竊其初鵠卒以書至選部尚書宜官後爲素術將今鉅鹿宋子有耿球碑是術所立其書甚工云是宜官也梁鵠奔劉表魏武帝破荆州募求鵠鵠自縛詣門署軍假司馬在秘書以勤書自效是以今者多有鵠手跡魏武帝懸書帳中及以釘壁玩之以爲勝宜官

說文朋及鵬皆古文鳳字宋玉曰鳥有鳳而魚有鯤莊子首義崔

選云鵬音鳳全云詳見爾雅翼

**集證**釋文序錄崔選莊子注十卷二十七篇清河人晉議郎內篇七外篇二十莊子音義崔選云鵬音鳳即古鳳字非求儀之鳳也說文云朋及鵬皆古文鳳字朋鳥象形鳳飛羣鳥從以萬數故以朋爲朋黨字字林云鵬朋黨也古以爲鳳字

**王巾字簡棲作頭陀寺碑**程易田云焦氏筆乘續集王簡棲楊用修辨其名簡據字簡棲知其爲个耳余謂簡棲於中字巾字並難通於个字亦費解姑從其說然此等處斷宜闕疑說文通釋以爲王巾同

**集證**丹鉛總錄文選王巾字簡栖作頭陀寺碑徐鍇楚金說文通釋以爲王巾小音徹朱子易傳屯字象巾穿地

封禪七十二家管夷吾所記者十有二孟獻子友五人孟子所忘者三記誦之學勿強其所不知

**集古錄**李陽冰記云城隍神祀典無之吳越有爾按北齊慕容儼鎮郢城城中先有神祠俗號城隍神則唐以前已有之閻三隋五行志梁武

陵王紀祭城隍神將烹生有赤蛇繞牛口紀與儼同時經籍志鮑至撰南雍州記記云南陽城內見有蕭相國廟相傳為城隍神記文則見通典引者○何云宋以後城隍之祀遍天下且各立名字趙與昔賓退錄有二條言之頗詳

唐子西採藤曲魯人酒薄邯鄲圍西河渡橋南越悲原注下一句未見所出○何云若此

錦縞為對尚未工○又云子作一句云魯壺為王室之鎮而酒薄終以被圍思下句對未得○繼序後義門忘却邯鄲二字

集古錄漢表良碑云開云楊升菴載此碑繫以王應麟曰懷生說行而身隱鴻飛魚潛脫屣圭組遠希魯連近慕董公亦古之逸民不可

與辯士說客並論也今刊木鈔本俱無知屬楊氏假託所謂英雄欺人亦時有之者或訝曰王子允引辯水經語子信其為王氏而升菴明引王氏語子反制正之何居余笑曰當秦之亂隱居河洛高祖破項實從其冊天下既定

還宅扶樂碑永建中立在開封扶溝歐陽公云蓋不知為何人也愚按高祖

紀三年漢王自成臯入關收兵欲復東轅生說漢王曰漢與楚

相距滎陽數歲漢常困願君王出武關項王必引兵南走王深

壁令滎陽成臯閒且得休息使韓信等得輯河北趙地沙燕

君王乃復走滎陽如此則楚所備者多力分漢得休息後與

戰破之必矣漢王從其計出軍宛葉閒漢書高祖紀即此轅生也

轅與袁同○開云引高祖紀證即轅生已見洪氏隸釋

集證洪氏隸釋碑云表生常秦之時隱居河洛高祖破項寔從其策太史公書高祖之出滎陽收兵欲東表生說帝深壁武關

合滎陽成臯閒且得休息使韓信等輯河北趙地連燕齊帝從其計碑所書二事皆與史合惟班史以表生為轅生左傳載濤塗頗皆

作轅古字通用也按據隸釋則盤洲已言之

漢華山廟碑開云余嘗謂蓋代文人無過歐公而學殖之陋亦無過公傳山先牛

然實親驗之武帝立宮曰集靈殿曰存僊門曰望僊碑篆額在華陰州華陰縣

陽公云集靈宮他書皆不見惟見此碑按漢地理志京兆華陰

縣太華山在南有祠集靈宮武帝起公偶未之攷耳

集證三輔黃圖集靈宮集仙宮存仙殿存神殿望仙臺望仙觀俱在華陰縣界皆武帝宮觀名也華山記及三輔舊事云太元



真人茅盈內記始皇三十一年九月庚子盈曾祖父濛於華山乘雲駕龍白日昇天漢武內傳云魯女生絕穀八十餘年入華山後五十年先識者逢女於廟前乘白鹿從王母神仙傳云中山衛叔卿常乘雲車駕白鹿見漢武帝將臣之叔卿不言而去登華岳華山記云宏農鄧紹八月曉入華山武帝即其地造宮殿歲時祈禱焉按宮名集靈具見於此

容齋五筆石尤風引陳子昂戴叔倫司空文明詩意其為打頭逆風也李義山詩作石郵原注來風楊文公億詩亦作郵原注石郵風

尤邨二字古通

集證陳子昂人峽苦風詩云故鄉今日友歡會坐應同宜知巴峽路辛苦石尤風戴叔倫送裴明州詩云瀟水連湘水千波萬浪中知君未得去慚愧石尤風司空文明雷盧秦卿詩云知有前期在難分此夜中無將故人酒不及石尤風

占者有常心曰士無常心曰民為己曰君子儒為人曰小人儒善利之聞而舜蹠分焉服言行而堯桀異焉仁義之心存與不存而人禽別焉懷乎其可懼也夫尚志謂之士行已有恥謂之士

則何以異乎工商特立獨行謂之儒禮記通天地人謂之儒禮記

易子法言君子篇

否則何以異乎老釋困而不學則下民爾待文王而興則凡民爾無其實而竊其名可以欺其心不可以欺其鄉

古者重長幼之序齒幼位卑而名章詞楊潛二君李翔所以戒朱

載言也儲同人本誤後生不稱前輩字劉元城所以稱馬永卿

馬大年

李希烈之黨有韓霜露唐書逆臣朱泚之黨有李日月逆臣朱逆

儔之無天甚矣何云小人不學故爾

柳芳論氏族曰氏於事則巫乙匠陶論載父苑英華按風俗通乙當作十

引見御覽三百六十四廣韻同

集證按廣韻巫字下引風俗通云氏於事巫卜陶匠是也通志氏族略兩引風俗通皆作巫卜匠陶夾漈云乙氏子姓商湯字

天乙支孫因以王父字為氏

明州開元二十六年置訖於唐宋凡五亂寶應元年表暹陷明州

一也貞元十四年明州將栗鏗殺其刺史盧雲以反二也乾符

四年王郢陷明州三也中和元年鄧賊鍾季文陷明州四也景

福元年明州將黃晟自稱刺史五也

有劉文深寧之言猶未備

**集證**馮智舒綱目質實一統志云明唐之州名治鄞縣天寶初改餘姚郡乾元初改為明州屬江南道五代時錢氏于此置望

海軍宋初改奉國軍屬浙東路紹興初置沿海制置司于此紹熙中陞為慶元府元至元中改置慶元路明初改為明州府後改置

波府隸浙江道

通鑑浙西節度使裴瓌敗王郢在乾符四年閏二月紀乃謂三年

七月當從通鑑瓌字挺秀見世系表

**集證**唐書裴氏世系表南來吳裴欽生勝國勝國生澹澹生瓌瓌

瓌咸通五年自兵部員外郎入六年加戶部郎中知制誥充學加朝散大夫中書舍人充八年遷水部侍郎知制誥依前充除同州

刺史

校訂困學紀聞五箋集證  
卷二十一  
晉邱園  
謝山金氏  
易田程氏  
濮山方氏  
蔚亭蕭氏  
四明屠維序

校訂困學紀聞五箋集證

浚儀 王應麟 伯厚

義門何 濮山方氏 蔚亭蕭氏

四明屠維序

雜識

孟子曰舜黜之分利與善之間也善望之曰堯桀之分在於義利

而已漢書本傳

范文正公謂劉禹錫柳宗元呂溫數

八 芳樸山云至論余并謂鄭注李訓亦有此心人○又云柳劉輩坐不知

人耳其意則何可厚非謂馬公亦受欺蔡元一○至云王叔文亦志在收宦官兵柄其輔順宗實能革除夙弊特進身一以正故一貶而下流歸之坐王

叔文黨貶廢不用傳稱叔文引禹錫等決事禁中至云禹錫等安能在禁中及

議罷中人兵權悟俱文珍輩又絕章平私請欲斬劉闢其意非

忠乎臯衡之揣太子意請監國而誅文唐書蕪駁因其成敗

而書之無所裁正韓退之欲作唐一經 味姦諛於既死發潛德

之幽光豈有意於諸君子乎

何云區文訓注

為小人也南朝以費叛

能正人者乎。○又云柳子亦佳士失在未能立而遽用。志不知比之匪人所傷已多安能有為也。○又云范公言文後之訓注皆檢邪小人託正議以行其私者也。

古終歸於敗豈有枉已而以為可以借叔文以伸其未讀承貞行耶前之區

淮南子老子學商容見舌而知守柔

繆稱

文子

學常

樅

上德篇

誤說苑亦云常樅敬慎篇

集證

按淮南繆稱訓皇甫謐高士傳並作商容文。十上德篇說苑敬慎篇並作常樅漢藝文志天文家常從日。四星氣二十一卷師古曰常從人姓名老子師之又作常從。又按口氏春秋密應覽離謂篇箕子商容以此窮高注亦云商容紂時。人老子所從者。

學者

唐百官志守宮令席壽二年。甄壽五年。禱壽七年。

原

語本考工

北齊擇盧思道之詩得八首。

閻云各作

人稱八米盧郎。

道傳

或謂

米當為采徐鍇云八米以稻喻之若言十稻之中得八粒米也

何云米當為采見猗覺寮記

集證

按魏寬西溪叢語引元稹羅隱詩證為八米盧郎朱翌尚見平廣記止是八詠耳魏高祖山陵詔魏收劉述祖等徵盧思道各作挽詞尚書令楊愔詮之收四首劉祖各二首被用盧獨取八首時號為八詠盧郎此謂哀挽且非佳事

燕丹子荆軻曰高欲令四三王下欲令六五霸

引見文選景福殿賦

李善注原注四三王

六五帝四三墳六五典三

集證

隋志小說家燕丹子一卷通考燕丹子二卷中興藝文志丹子三卷明時猶存今佚

丹子三卷明時猶存今佚

陸機傳云弟雲嘗與書曰君苗見兄文輒欲焚其筆硯

未知氏姓攷之雲集有與平原書云前登城門意有懷作登臺

賦極未能成而崔君苗作之聊復成前意始知其為崔君苗也

集證丹鉛總錄唐人云君苗無姓呂安無字按文選注呂安字仲

有兩君苗矣

文心雕龍云士衡才優而綴辭尤煩士龍志劣而雅好清省

案此

今觀士龍與兄書曰往日論文先辭而後情尚繁而不取悅

何云

核作澤兄文章高遠絕異然猶皆欲微多但清新相接不以此為

病耳若復令小省恐其妙欲不見雲今意視文乃好清省欲無

以尚意之至此乃出自然

此書載清河集

集證

隋志晉清河太守陸雲集十二卷唐志十卷按今本十卷蓋明人所重輯也

車永茂安外甥石季甫見使為鄧令便道之職茂安與陸士龍書

曰老人及姊自聞此問不能復食姊晝夜號泣舉家慘感時余

伯始有一將來是句章人具說此縣既有短弧之疾又有沙

原注玉篇蟲穴也房中切

害人聞此消息倍益憂慮足下可具示土地之宜企

望來報士龍答書曰縣去郡治不出三日直東而出水陸並通

西有大湖廣縱千頃北有名山南有林澤東臨巨海往往無涯

汎船長驅一舉千里北接青徐東洞交廣海物惟錯不可稱名

過長川以為陂燔茂草以為田火耕水種不煩人力決泄任意

高下在心舉鍤何云鍤一作鍤成雲下鋪成雨既浸既潤隨時代序官無

通滯之穀民無飢乏之慮衣食常充倉庫一作實榮辱既明禮節

甚備為君其簡為民亦易季冬之月牧何云姦一作收畢嚴霜墮而兼

葭萎林鳥祭而爵羅設因民所欲順時遊獵結罝一作罝罔密罔彌

山放鷹走犬弓弩亂發鳥不得飛獸一作獸不得逸真光赫之觀

盤戲之至樂也若乃斷遏海浦隔絕曲隈隨潮進退采蚌捕魚

鱸鮪赤尾鯧齒比目不可紀名鱸鮪鮓炙蟹鱖然石首何云古石首木也

食臙齋鰲真東海之俊味肴膳之至妙也及其蚌蛤之屬且所

希見耳所不聞品類數百難可盡言也昔秦始皇至尊至貴前

臨終南退燕阿房離宮別館隨意所居沈淪何云淪疑作淪涇渭飲馬

明四方奇麗天下珍玩無所不有猶以不知吳會也邗東觀滄

海遂御六軍南巡狩登稽嶽刻文石身在鄆縣三十餘日夫以

帝王之尊不懼爾行季甫年少受命牧民武城之歌足以興化

桑弧蓬矢丈夫之志經營四方古人所歎何足憂乎且彼以臣

恭謹篤慎敬愛官長鞭扑不施聲教風靡漢矣以不臨此孫老

無不遷變尊大人賢姊上下當為喜慶歌舞相送勿為慮也哉

安又答曰於母前伏讀三周舉家大小豁然忘愁足下此書

為典誥雖山海經異物志二京南都殆不復過也恐有其言

至云能字疑衍無其事耳愚謂士龍之書筆勢縱放真奇作也可以補

明郡乘之闕遺故詳著之

集證書錄解題四明志二十一卷廬陵羅璿撰按其書今在前十一卷為郡志後十卷則所屬六縣志也

荀子曰正其衣冠齊其顏色噉然而終日不言是子夏氏之賤

也非十二子篇荀卿之譏毀過矣然因其言可以見子夏門人之氣

象至云六朝之文放蕩開於荀子不特斯非之為害也

秦之破楚也王翦至蘄南殺其將軍項燕楚之滅秦也陳涉起

蘄大澤中同此地也出爾及爾天道昭昭矣何云此慎宋之滅而有為言之

集證漢地理志沛郡蘄縣垂鄉高祖破鯨布都尉治莽曰蘄城之府宿州南有廢蘄縣西南有大澤鄉

錢云蘄縣屬沛郡

東坡觀碁詩誰與碁者墨君堂記雖微與可天下其孰不賢之比  
用檀弓文法。

論語迅雷風烈必變錯綜成文春與後吟分秋鶴與飛本於此非

始於吉日辰良

說本筆談何云東坡先生書羅池詩作  
秋與鶴飛○至云此追過沈存中一層

集證夢溪筆談春與後吟分秋鶴與飛古人多用此格如楚詞吉  
言日兮辰良又蕙肴蒸兮蘭籍奠桂酒兮椒漿蓋欲相錯成文

則語勢  
矯健耳

徐仲車積謂尊官重祿人之所好也安肯曰吾不才吾辱其位甚

者亡人之國危人之天下不顧也鄭繁可謂知其量矣

詳唐書  
本傳

後村劉克莊詩謂未必朱三能跋扈祇因鄭五欠經綸宋溫之算

崔蕭柳際諸人之罪也於鄭繁何議焉方樸山云  
只取朱三

鄭五好  
對日

集證黃東發歌後鄭五贊云歌後鄭五作宰相搔頭不敢當自知  
蓋審也使人人如鄭五則居其官者皆其人豈有欺君誤國

貪權固寵之患愚故三嘆三詠於五而贊之曰自知其必能相而  
相者古今一伊尹也自知其必不能相而不相者古今一鄭五也  
人皆曰必不能相已獨曰必能相而汲汲於相者滔滔皆鄭  
五罪人也嗚乎伊尹吾不得而見之矣得見鄭五者斯可矣

宣宗閣名曰寶章至和二年五臺山真容院太宗御書閣已曰寶  
章矣

集證玉海百六十三至和二年六月丙申以五臺山真容院新  
太宗真宗御書閣為寶章閣嘉祐二年二月癸亥御迎陽

召近臣觀御書閣傍 又云寶  
慶二年建寶章閣藏宣宗聖製

水經注方城何云葉公之將討白公勝也西有黃城山是長沮桀溺耦耕

之所有東流水則子路問津處戶子曰楚狂接輿耕於方城

水經無水條也原注方城在葉縣郡國志曰葉縣有長城曰方城楚邑也楚狂  
接輿並耕沮溺耦耕之地史謂蔡也○謂云核史謂孔子去葉反乎蔡遂  
明仲曰沮溺耦耕之地史謂蔡也○謂云核史謂孔子去葉反乎蔡遂  
次經有長沮桀溺事非謂其地即蔡○何云史云孔子遷於蔡三歲

**集證** 漢地理志南陽郡葉縣楚葉公邑有長城號曰方城按今河南南陽府葉縣北有黃城山一名長城山即古方城也

善讀書者或曰此法當失晉書石勒載記或曰一卷足矣奚以多為北中

或不求甚解陶潛五柳先生傳或務知大義不善讀者蕭繹以萬卷

自累南史梁元帝崔儵以五千卷自矜隋書文房法乘之不洽事虛

殷之資為詩韓愈登封縣尉虛殷墓誌

**集證** 晉書石勒載記嘗使人讀漢書聞酈食其勸立六國後大驚

孝經一卷足以立身治國何用多為北史何妥傳蘇綽戒子讀書不

求甚解南史梁元帝絕性愛書籍既患目多不自執卷置讀書

左右番次上置晝夜為常略無休息隋書文學傳崔儵字岐叔

署其戶曰不讀五千卷者無得入此室韓愈虛殷墓誌君能為

詩自少至老詩可錄傳者在紙凡千餘篇無書不讀然止用以資為詩

廟堂一字見漢徐樂傳云脩之廟堂之上而銷末形之患梅福傳

云廟堂之議非草茅所當言也劉向九歎云始結言於廟堂王

逸注言人君為政舉事必告宗廟議於明堂原注皆謂人君今以

正文○簡云按淮南主術訓在卿相人宰相誤矣至云此注且

君偷策於廟堂之上亦兼君相言之

歐陽公記醉翁亭用也字荆公誌葛源亦終篇用也字蓋本於易

之雜卦韓文公銘張徹亦然

東坡鍾子翼哀辭以四言開七言學荀子成相

**集證** 楊倞荀子成相篇注漢藝文志謂之成相雜辭蓋亦賦之流

句如此五句為一章又按逸周書周祝解亦是此體又成相所本也

詩伐檀毛氏傳云風行水成文曰漣老泉謂風行水上渙此天下

之至文也仲兄字文甫說本於此

**集證** 御覽五十八引爾雅曰水別流曰派風吹水曰波大波曰

漣小波曰淪平波曰瀾直波曰溼水朝夕而至曰潮風行水

成文曰漣水波如錦文曰漪按御覽本初學記兼出說文諸書



南豐詩稱昌黎之文云並驅六經中獨立千載後

周恭叔全云周博士行已程子弟子○繼序按周恭叔為永嘉學派之宗跋秦璽文曰嗚呼斯乎是嘗去

詩書以愚百姓者乎是嘗聽趙高以立胡亥者乎是嘗殺公子

扶蘇與蒙恬者乎是嘗教其君嚴督責而安恣睢者乎使其璽

不得傳者斯人也而其刻畫吾忍觀之哉李微之名心曰秦璽

者李斯之魚蟲篆也其圍四寸至漢謂之傳國璽迄于獻帝所

寶用者秦璽也歷代皆用其名永嘉之亂沒于劉石永和之世

復歸江左者晉璽也太元之末得自西燕更涉六朝至于隋代

者慕容燕璽也原注隋謂之神璽劉裕北伐得之關中歷晉暨陳復為隋

有者姚秦璽也開運之亂沒于耶律女真獲之以為大寶者石

晉璽也蓋在當時皆誤以為秦璽而秦璽之亡則已久矣

集證後漢徐璆傳注引衛宏曰以前以金玉銀為方璽秦以

斯書其文曰受命于天既壽永昌號曰傳國璽漢高祖定三秦

上蟠一角缺及莽敗時仍帶璽絃杜吳殺莽不知取璽公賓就斬

莽首并取璽更始將李松送上更始赤眉至高陵更始奉璽於赤

眉建武三年盆于奉以上光武孫堅從桂陽入雒討董卓軍於地

南見井中有五色光軍人莫敢汲堅乃浚得璽表術有潛盜意乃

拘堅妻求之術得璽舉以向肘魏武謂之曰我在不聽汝乃至此

時珍得而獻之○丹鉛總錄漢書注衛宏曰奉璽題是李斯書其

文曰受命于天既壽永昌通典云秦得璽田白玉為璽曰受天之

命皇帝壽昌如皇之璽傳疑已有二矣○按蔡京及講議玉璽皆

奏云皇帝壽昌者晉璽也受命于天者後魏璽也有德者昌唐璽

也惟德允昌者石晉璽也據蔡說則皇帝壽昌乃晉璽與通典說

異

受寶之禮始于元符再行于嘉定皇帝恭膺天命之寶至道三年

真宗即位製之其後凡嗣位則更製乾興元年仁宗即位嘉祐

八年英宗即位至神哲徽皆製是寶嘉定十四年京東河北節

度使賈涉繳進皇帝恭膺天命之寶及元符三年御命之寶及

元符三年御近刻此上重九字府寶圖一冊鎮江都統翟朝宗以

玉檢來上其文若合符契又得受命于天既壽永昌玉璽於是

禮官奏受寶之禮獻之宗廟明年正月朔且御大慶殿受寶奉

安天章閣原生元符三年玉璽蓋徽宗即位所製

集證玉海八十四嘉定十四年七月太常奏受寶之禮製寶與法

物十一月詔曰朕觀前代宜陽受瑞江宣產珍猶能宏濟大

業今朕曷敢不承閏十二月丙午奏獻宗廟十五年正月庚戌朔

御大慶殿設黃麾牛仗受玉寶奉安天章閣又云紹聖三年咸

陽縣民段義得古玉印四年上之元符元年三月議議官奏按其

文曰受命于天既壽永昌又得玉螭首一其玉乃藍田之色其篆

與李斯小篆體合飾以龍鳳鳥魚五月戊申朔御大慶殿行受寶禮羣臣上壽稱賀

璽也而更爲寶唐書元宗紀甄也而更爲檢宋史太宗紀古者太史奉諱惡

豈有是哉

祖宗之制不以武人爲大帥專制一道必以文臣爲經畧以總制

之太祖用趙普之謀咸淳末德祐初開云瀛國公初賣降恐後者多武人

也其後文臣亦賣降矣至云明季重武臣然唐通姜瓖之流終降流賊若寧武靖南則宋末張順姜才一輩人

後漢應劭有漢官鹵簿圖原注漢官儀鹵簿篇晉有鹵簿圖鹵簿儀齊有鹵簿

儀陳有鹵簿圖唐有大駕鹵簿一卷王象畫鹵簿圖

集證玉海八十一恭苞表志曰國家舊章幽僻藏蔽莫之得見應劭

漢官鹵簿圖曰乘輿大駕則御鳳皇車以金根爲副引見續

漢書非志注宋宣和鹵簿記云應劭漢鹵簿圖有騎執旅旅即節

通典曰唐六典注漢官儀鹵簿篇隋志儀注類晉鹵簿圖一

卷鹵簿儀二卷齊鹵簿儀陳鹵簿圖各一卷唐志儀注類大駕鹵簿一卷雜藝術類王象畫鹵簿圖

景德二年王欽若上鹵簿記三卷天聖六年宋綬上鹵簿記十

卷

因學雜聞五集卷二十一

卷二十一

卷景祐五年綬取舊編益新制上鹵簿圖記十卷政和七年詔改脩宣和元年書成三十三卷飾以丹采益詳備矣何云禮樂刑政即天子之鹵簿也是之不圖而屑屑焉三十三卷為裁

**集證**玉海八上景德二年郊祀王欽若上鹵簿記三卷頗疏略天聖六年翰林學士宋綬上天聖鹵簿記十卷付秘閣景祐五年禮義使宋綬上景祐南郊鹵簿圖記十卷詔褒諭又云景祐鹵簿記蓋因前書而增飾之以觀政初元冠篇質正古義傳以新制圖給注說援据精詳又云志三駕之制詳見於政和禮局所上迄宣和而大備先是政和七年兵部尚書蔣鹹奏宜命有司取天聖圖記考正詔改修宣和元年書成凡人物器服盡從古制飾以丹采三十有三卷目錄二卷

**趙安仁**字樂道作戴斗懷柔錄王晦叔名昭河南人作戴斗奉使錄戴斗

謂北方原注爾雅北戴斗極為空桐

**集證**玉海五十八景德元年盟好之議翰林學士趙安仁多所參預撰答書又記太祖朝書問規式及接伴乃裁定觀見儀制安仁又錄和好以來事宜及采古事可附於今為豫備者作戴斗懷柔錄以獻通考王晦叔戴斗奉使錄二卷晁氏曰皇朝王昭

撰景德三年為契丹主生辰使祥符二年為弔澗使所錄也撰唐志地理類有張建章戴斗諸蕃記一卷

**擊壤周處風土記**云以木為之前廣後銳長尺三寸選注作長四尺三寸廣韻御覽

其形如履原注一童兒所戲之器非上壤也先側一壤於地遙於三十

四步以手中壤擊之中者為上引見文選謝靈運初去郡詩注

**集證**唐志周處風土記十卷御覽五百八十四引風土記曰擊壤也堯時有八十九十老人擊壤而歌曰日出而作日入而息擊壤而歌耕田而食帝力於我哉張揖雲谷雜記選注云四尺三寸恐是傳寫之誤蓋其形如履使長四尺三寸不復有履形矣御覽所載為是

象山先生曰古者無流品之分而賢不肖之辨嚴後世有流品之分而賢不肖之辨畧

司馬相如論巴蜀檄曰父兄之教不先子弟之率不謹寡廉鮮恥而俗不長厚也漢時有此議論三代之流風遺俗猶存也何云以得已之

因學... 卷二十一

役病民而又責以寡廉鮮恥此相如所以為佞夫也○又云斷章取之

羣居終日言不及義而險薄之習成焉飽食終日無所用心而非

僻之心生焉故曰民勞則思思則善心生寤寐無為澤陂之詩

所以刺也方樸山云顧寧人先生云飽食終日無所用心難矣哉北方之強也羣居終日言不及義好行小慧游矣哉南方之強也本此

劉之道煇上李肅之納拜書曰古之君子一語默而禮義明一施

設而風俗厚如釋之進王生之轍而漢世重名便記張如裴度

當李愬之謁而蔡人知禮唐書李愬傳

集證通考劉狀元東歸集十卷陳氏曰大理評事鉛山劉煇之道撰煇嘉祐四年進士第一人堯舜性仁賦至今人所傳誦始在場屋有聲文體奇澁歐公惡之下第及是在殿虛得其賦大喜既唱名乃煇也公為之愕然蓋與前所試文如出二人手可謂速

矣化

景迂曰博之以五經而約之以孝經論語博之以太史公歐陽

公史記而約之以資治通鑑康節先生曰二十歲之後三十歲

之前朝經暮史晝子夜集學者當以此為法

夫子雅言詩書執禮而性與天道高弟不得聞程子教人大學中

庸而無極太極一語未嘗及

巧言為辯文子為學宋景文云此後魏北齊里俗譎字也見宋景文筆記

荀云見類

集證宋景文筆記後魏北齊時里俗作譎字最多如巧言為辯文子為學之比隋有柳警傳又晉之詭以攻易巧矣予見佛書

所言辯字多作警世人不復辯詰北史江式傳巧談辯士以意為疑惑感於時難以董政乃自追來為歸巧言為辯不免為神

蟲為蠶如斯甚衆皆不合孔氏古書史籀大篆許氏說文石經三字也一類氏家訓書證篇自有譎謬過成鄙俗亂旁為舌下無

且龍龍從龜奮奪從龍席中加帶惡上安西鼓外設皮鑿頭主毀離間配禹塗乃施豁平混經旁隸分澤片徽化為偽龍變成龍業

左益片靈疾著器如此之類不可不治魏按隸釋載漢碑如以侯為表拒為矩帝為布荔為藜之類不可臆舉此字漢已有之不

獨後魏北齊時也

庚信哀江南賦章蔓支以駁走豈之奇以族行山賦呂氏春秋中

山之國有夙河云夙當作夙繇者智伯欲攻之鑄大鐘方車二軌以遺之

夙繇之君將迎鐘赤章蔓枝諫不用斷轂而行至衛七日而夙

繇亡原注文苑英華作慢支

集證韋非說林下篇赤章蔓枝因斷轂而驅至於齊七月而仇由

訓俱作仇由戰國西周策作仇由史記樛里子傳作仇猶索隱云

高誘注國策以仇猶為及而說文繫傳曰都春云呂氏春秋有仇猶國知伯欲伐者也

宋次道春明退朝錄死子止昭德讀書志攷之東京記朱雀門外

天街東第六春明坊宋宣獻公綬宅開云當時春明宅子就直比他處

本王延德宅宣德門前天街東第四昭德坊晁文元公宅致政

### 後闢小園號養素園多閱佛書起密嚴堂

集證書錄解題春明退朝錄三卷龍圖閣學士常山宋敏求次道

德也又云晁氏昭德讀書志二十卷昭德晁公武子止撰其序

云得南陽公書五十篋合其家舊藏得二萬四千五百卷其守策

州日夕警校每終卷輒論其大旨時熙興二十一年也通考東

京記三卷皇朝宋敏求編開封坊巷寺觀官廨私第所在及諸故

實極精博今存

呂氏春秋伊尹奔夏三年反報于亳曰桀迷惑於末嬉好彼琬琰

原注注非何云注誠誤然紀年要是偽書或因呂覽之語而誤撰也

注云琬當作婉婉順阿意之人或云美玉原大覽桀紀年云桀

伐岷山得二女曰琬曰瑗斲其名於苕華之玉苕是琬華是瑗

集證竹書紀年十四年扁帥師伐岷山一作民山於命扁伐山民

苕華之玉苕是琬華是瑗而棄其元妃于洛曰妹喜於傾宮飾瑤臺居之

新序介子推曰謁而得位道士不居也蓋謂有道之士節士漢京

房傳道人亦謂有道之人京房傳注元和郡縣志樓觀本周康王大

夫尹喜宅也穆王為召幽逸之人置為道士元和志太霄經以

尹喜為尹軌又謂平王東遷洛邑置道士七人太霄經引按漢

郊祀志注漢宮閣疏云神明臺高五十丈上有九室嘗置九天

道士百人郊祀志蓋自武帝始也穆王平王事不可攷何云後漢書有史道

人○至云

又何足考

集證御覽六百六十六道部引太霄經曰道士從道為事故稱也

東遷洛邑置道士七人漢明帝永平五年置道士二十人魏武帝為九

道書有赤明上皇無極永壽之號後周甄鸞著笑道論曰古先帝

王立年無號至漢武帝始建元後王因之上皇之號可笑之深

原注隋志又有延康龍漢開皇○開云校後

集證元始天尊度人經元洞玉律龍漢康眇眇億劫混沌之中

得九氣以分天境劫號龍漢南方得三氣以分天境劫號赤明中

央得十二氣以分天境劫號上皇西方得七氣以分天境劫號延

康北方得五氣以分天境劫號開皇鬼氏志劉歆七略道家之

學與神仙各為錄其後學神仙者稍稍自附於黃老乃云有元始

天尊者生于太元之先姓樂名靜信常有不滅每天地開闢則以

秘道授諸仙謂之開劫度人延康赤明龍漢開皇即其紀年也

通志笑道論

林靈素作神霄籙自公卿以下羣造其廬拜受獨李綱傅崧卿曾

幾移疾不行原注宣政開道教興行至有號為

集證通鑑徽宗政和六年賜方士林靈素號通真達靈

傅奕排釋氏開云舊唐書方伎傳道士葉法善僧玄奘神秀並列謂中國幻

而新書則削去玄奘等意始見於李蔚傳贊中耶

謂中國幻

夫模象莊老以文飾之宋景文作李蔚傳贊亦云華人之譎誕者又攘莊周列禦寇之說佐其高然則釋氏用老莊之說也非老莊與釋氏合也朱文公謂佛家竊老子好處道家竊佛家不好處愚嘗觀姚崇誠子孫曰道士本以玄牝為宗而無識者慕僧家之有利約佛教而為業斯言當矣致堂謂經論科儀依倣佛氏而不及者自杜光庭為之攷諸姚崇之言則非始於光庭也何云此論魏書中已有之范曄西域傳論亦設為疑辭以示其意釋老志世祖詔云彼沙門者假西戎虛誕妄生妖孽又詔云皆劉元真呂伯彊之徒乞胡之謠言用老莊之虛假附而益之皆非真實

**集證** 讀史管見太宗謂傅奕曰佛教元妙卿何不悟奕曰佛乃胡欺愚俗有害於國臣非不悟都下學也如奕之言未足以斷佛道之至彼所以能張大其說流傳千有餘歲高明之士往往從之者亦有以深動乎其心矣故君子曰若一欲窮之未必能窮而先為所變故不若置而不觀此為中人以下言之也若夫上智之上既

不可惑亦必遍讀其書挾其槩而別其髓然後冰釋雲散渙然無疑信道術之為天下裂而至當之必歸於一也采了曰本朝歐陽公掛佛就禮法上論二程就理上論終不如宋景文公提得正賊出佛書分明是中國人附益按朱子所謂正賊即指李蔚傳贊云云也通志安鎮城邑宮闕醮儀一卷太上黃籙齋壇真文玉訣儀一卷醮章奏議十八卷靈寶明真齋醮燈儀一卷太上河圖內元經禳災九壇醮儀一卷靈寶安宅齋儀一卷靈寶自然行道儀一卷並杜光庭撰

北斗經引居其所而眾星拱之誤以北辰為北斗蓋近世依託為之何云與端之書孰非依託何獨此經耶

**集證** 通志靈寶先師太山北斗神光經一卷

鶴山云旁行敷落之教旁行見漢西域傳詳見第八卷敷落見度人經

**集證** 通考度人經三卷晁氏曰元始天尊說唐志有其目古書也按度人經云敷落神真普度天人又云元始安鎮敷落玉篇亦書玉字八威龍文上陽子注云敷散也落布也乃散真文布置諸天令其執持普度天人皆成妙道

漢屬賓傳塞種分散顏師古注即所謂釋種按增一阿含經四河

入海無復河名四姓為沙門皆稱釋種引見御覽六石林葉氏

云晉宋閒佛學初行其徒猶未有稱僧通曰道人其姓皆從所

受學如支遁本姓關學於支謙為支帛道猷本姓馮學於帛戶

梨密為帛是也並見高僧傳至道安始言佛氏釋迦今為佛子且從

佛氏乃請皆姓釋

集證御覽六百五十五引支遁傳云本姓關氏陳留人幼有神

嗣又引高僧傳云帛戶梨密多羅西域人呼為高座傳云

之子當承繼世而國讓弟遂為沙門密天姿高朗風

承嘉初始到中國值亂仍過江丞相王導見而奇之

傳云釋道安姓衛氏常山扶柳人也形雖不遠於人而

七歲讀書再覽能誦年十三出家日誦萬言師敬異之

至鄴遇佛圖澄一見嘆賞與語終日因事為師澄

起安挫銳解紛行有餘力又引道安傳云初

姓各不同安以為佛氏釋迦乃以釋命氏後見

四河入海無復河名

既與經符遂為永式

唐回鶻傳元和初始以摩尼至其法日晏食飲水并

汗常與共國何云蓋至丁今不絕也

說齋謂老莊之學盛於魏晉以召五胡之亂而道釋之

人崇尚遂盛於中國原注釋氏至姚興而盛道家至寇謙之而盛誠齋謂伊川之

以祭君子已憂其戎漢之君志荒而妖夢是踐吾民始司

祝乎首何云祝謂祝髮以為好此五胡耶律之先驅也南字文昭永嘉白三

代以上不過曰天而止春秋以來一變而為諸侯之盟詛亦變而

為燕秦之僂怪三變而為文景之黃老四變而為巫蠱亦變而

為災祥六變而為符讖人心泛然無所底止而後西方異說乘

其虛而誘惑之何云謂盟始於三苗姒窳之于二危正在西域三代之盛聖

前乎吾自為此言者苟濟也刑餘之民恨入骨髓



集證見氏志符堅遣呂光破西域俘鳩摩羅什以歸姚興迎長安

譯經於逍遙園凡四十部維摩詰所說經十卷其一也又云道家法術其類甚眾及葛洪寇謙陶宏景之徒相望而出其言益熾於世富貴者多惑焉

晉語西方之書有之曰懷與安實疾大事注詩云西方之人謂周

也晉語四愚謂西方之書蓋周志之類列子仲尼篇西方之人

有聖者李知幾謂意其說佛也皇王大紀論曰當周昭王時西

方有桀戎窮幻駕空說通麻云孝王元年佛入涅槃唐六典注

謂釋迦生當周莊王九年魯莊公七年一說不同何多矣

集證周書異記周昭王二十四年四月八日天竺迦維衛國淨飯

王太子生名悉達多年十九入檀持山修行證道至穆十三

年明星出時成佛號世尊至穆五十二年二月十五日入般涅

槃在世教化四十九年是為釋迦牟尼隋書經籍志釋迦在世

教化四十九年乃至天龍人曳並來聽法弟子多有得道證果後

於拘尸那城娑羅雙樹開二月十五日人般涅槃弟子迦葉追撰

述其教為十二部後魏釋老志釋迦生時當周莊王九年春秋

魯莊公七年夏四月恒星不見夜明是也金山通鑑前編

皇王大紀云周昭王二十二年

釋氏生按據此則三說不同

王簡棲頭陀寺碑周魯二莊親昭夜景之鑿注云魯莊七年夜明

佛生之日也瑞應經四月八日夜明星出時佛從右脅墜地即

行七步交選李善注按春秋莊公七年按史記年表當夏四月辛卯夜

恒星不見正義曰於是時周之四月則夏之仲春杜氏以長麻

校之知辛卯是四月五日也正義以是攷之夜明星不見乃

二月五日非四月八日也蓋陋儒之佞佛者傳會為此說

滴水云梵書有修多羅讖言釋氏之教興廢則讖書其來遠矣何

東漢尚讖緯此妖書所由乘之以興○方樸山云史記趙世家載扁鵲云秦讖

于是出矣當秦穆公時公孫支受而藏之則讖所從來久矣○至云此讖字不可

即指漢人讖緯之書何氏亦因滴水而附會之

梁觀國有議蘇文五卷駭其羽翼異端者或問地獄之事於真文

錢云讖緯起於漢世華書皆中華人譯潤焉用此字

忠公曰天道至仁必無慘酷之刑神理至公必無賄賂之獄

至云或問以下當另為一條

**集證**陳善捫風新語傳奔與蕭瑀論佛瑀曰地獄正為是人設耳張唐英著唐史發潛遂曰蒼天之上何人見其有堂黃泉之下何人見其有獄然予觀國史補李肇云天堂無則已有明賢人生地獄無則已有則小人如此則又何必較其有無哉

李壽翁椿曰性命之理死生之故鬼神之情狀易盡之矣曷為求

之宅何云李壽翁語也

**集證**宋史李椿字壽翁洛州人椿學易惡佛老說朱晦菴嘗銘其墓謂其逆知得失不假著龜

通典唐有符祆正謂之視流內原注祆呼烟胡也

**集證**宋敎求長安志布政坊西南隅胡祆神唐武德四年立西域胡祆神也祠內有鑿寶府官主祠祆神亦以胡祝充其職通志職官略隋置九品各有從自四品以下每品分為上下凡三十階謂之流內又置視正二品至九品品各有從謂之視流內唐自流內以上並因隋制

張淳忠甫曰今之仕皆非古之道是以雖貧而不願祿問其曰始至則朝拜遇國忌則引緇黃而薦在天之靈皆古所無

道家云真人之心若珠在淵衆人之心若瓢在水真文忠云此心

當如明鏡止水不可如槁木死灰

東魏檄梁曰毒螫滿懷妄敦戒業踈競盈胸謬治清淨可謂切中

其膏膏矣誠齋詩云梵王豈是無甘露不為君王致蜜來曾景

建云此身已屬侯丞相誰辦金錢贖帝歸繼序按曾景建名極臨川人朱晦翁得其善及詩大異之

唐有代宗即世宗也本朝有真宗即玄宗也皆因避諱而為此號祥符中以聖祖名改玄武為真武玄枵為真枵崇文總目謂太玄經曰太真經若迎真奉真崇真之類在祠宮者非一其末也

目女冠為女真遂為亂華之兆

集證宋史祥符五年真宗夢神人傳玉皇之命云汝祖趙孚明授汝天書遂尊號曰聖祖以為趙之始祖改孚聖曰至聖

張文潛云嘗讀宣律師宣律師和尚唐初僧傳有一天人說周穆王時佛至

中國與列子所載西極化人之事略同周穆王篇不知寓言耶抑實

事也愚謂此釋氏剽襲列子之言非實事也

垂老抱佛脚孟東野讀經詩也何云今里語抱佛脚本此

集證中山詩話王丞相嘗語諸講一日論沙門道因曰投老欲依僧急則抱佛脚是俗諺全語上去投下去脚豈不的對也王大笑

東坡宸奎閣碑銘神耀得道非有師傳出八師子經佛在舍衛國

祇樹給孤獨園時有梵志來詣佛所質疑曰佛所事者何師佛

曰吾前世師其名難數言今自然神耀得道非有師也原注惟佛與佛出法

華經

集證西溪叢話八師經三卷所謂八師者不殺不盜不淫不惡口不飲酒老病死唐志法華經讀述十卷宋志法華經三卷

放翁載長蘆崇墮師頌云天生三武禍吾宗釋子還家塔寺空應

是昔年崇奉日不能清儉守真風三武謂魏太武太平真君七年周武

帝建德三年唐武宗會昌三年也愚嘗觀山谷開先院修造記曰夫沙門

法者不住資生行乞取足日申受供林下託宿故趙州以斷薪

續禪牀宴坐三十年藥山以三篋繞腹一日不作則不食今也

毀中民十家之產而成一屋奪農夫十口之飯而飯一僧不已

秦乎夫不耕者燕居而玉食所在常千數百是以有會昌之籍

沒窮土木之妖龍蛇虎豹之區化為金碧是以有廣明之除蕩

廣明元年黃巢之亂山谷之言矣宗隨以浮屠氏而能為此言其墨名而儒行者與

集證魏書太武紀太平真君七年三月詔諸州坑沙門毀諸佛像

沙門道士唐書武宗紀會昌五年八月大毀佛寺復僧尼為民

儒之教以萬事為實釋之教以萬法為空

北齊文宣勅道士剃髮為沙門徽宗令沙門冠簪為德士其相反

如此

世說王丞相導拜揚州因過胡人前彈指云爾爾爾爾世說政事門原注此即爾若也

集證釋氏要覽梵言阿蘭若唐言無諍四分律云空淨處

後周武帝廢佛道教其子天元復之唐高祖廢浮屠老子法其子

太宗復之天元不足論也太宗亦為之何哉何云馮定遠云唐以老子為神那得廢其法

時只是沙汰僧尼道士耳

西山先生題楊文公所書遺教經曰程易田云子史精華載統要云唐州紫玉山道通祖師因于頓丞相問如

何是黑風吹其船舫漂墮羅刹鬼國師云這漢問汝庶事作麼頓當時失色師云祇這箇便是漂墮羅刹鬼國頓聞已信受佛燈指月諸錄並載于頓事文小異

學佛者不繇持戒而欲至定慧亦猶吾儒舍離經辨志而急於

大成去灑掃應對而語性與天道之妙遺教經跋普門品曰此佛

氏之寓言也昔唐李文公問藥山禪師曰如何是黑風吹船飄

落鬼國師曰李期小子問此何為全云習之不應有此文公怫然怒形於色

師笑曰發此瞋恚心便是黑風吹船飄落鬼國也藥山可謂善

啓發人矣何云操竿影草早為所奪山中無所得也以此推之則知利欲熾然即是火坑

貪愛沈溺便為苦海一念清淨烈焰成池一念警覺船到彼岸

災患纏縛隨處而安我無怖畏如械自脫惡人侵凌待以橫逆

我無忿嫉如獸自犇讀是經者作如是觀則知補陀大士真實  
為人非浪語者跋普門並全云以大顛誣韓以藥山誣李皆釋氏之徒借二公以重其師也

**集證**通考遺教經一卷陳氏曰佛涅槃時所說唐碑本黃山谷曰遺教經譯於姚秦即始四年又云妙法蓮華經觀世音普門品姚秦三藏鳩摩羅什譯按統要云唐州紫玉山道通祖師因于頓丞相問如何是黑風吹其船舫漂墮羅刹鬼國師云于頓這漢問汝應事作麼于當時失色師云祇這箇便是漂墮羅刹鬼國也于問已信受與李文公問藥山禪師事同

**錢文季**名文子號白石山人樂清人維摩菴記云維摩詰非有位者也而能視人之病為己之病今吾徒奉君命食君祿乃不能以民病為己責是詰之罪人也

**集證**晁氏志維摩經十卷天竺維摩詰撰西域謂淨名曰維摩詰勝任固辭最後遣文殊行因其談妙道遂成此經

**鄧志宏**肅曰丹霞與我則燒木佛德山說法則撤塑像禪教之判

其來已久余謂浮屠氏之有識者猶不以是為事而學校乃以土木為先吾儒之道其然乎

**集證**五燈會元鄧州丹霞天然禪師於慧林寺遇天大寒取木佛九年詔革先師孔子塑像有司依違多於殿內添砌一牆置像於中以塞明詔其矣愚俗之難曉也

**通鑑考異**云會要元和二年薛平奏請賜中條山蘭若額為大和寺蓋官賜額者為寺私造者為招提蘭若杜牧所謂山臺野邑是也原注杭州南亭記武宗去山臺野邑四萬所

**集證**釋氏要覽梵語招提唐言方僧也韻會浮屠所居西域謂奢唐言四方僧物但傳筆者訛語為招去闕奢雷提字即今十方住持寺院耳

何云丙戌春日重閱一過其中徵引之書仍有未能盡悉者甚滋學荒記疎之懼七月二十六日以病在告漫記卷尾  
方粹然心齋云何先生於前輩一語一已奉為格人元龜之訓故丹黃點勘至於再四與問先生校本合之為兩承學之士不可以一日不讀也

潛邱義門謝山三先生皆篤嗜此書考釋箋不遺餘力而潛邱又三屬人入  
鄧訪求深寧之行狀神道碑墓志欲附之卷尾求其畫像欲摹之卷首而皆不  
可得卽以其自題三十八字勒諸曰次之節其風味更不可及已前輩讀書與  
實如此後學胡可忽諸 又按謝山同谷善院記云深寧生平大節自擬於司  
空圖韓偓之間良無所媿而其學術獨得呂學之大成或曰深寧之學得之王  
氏堃徐氏幾王徐本之西山真氏實自魯公元善之門為朱子再傳派系而深  
寧又頗疑呂學未免和光同塵之失則子之推為呂氏世嫡也何與曰深寧論  
學蓋亦兼取建安江右永嘉諸家然其綜羅文獻實師法東萊况深寧少師迂  
齋則固明招之傳也因讎按三箋而節錄此記溯其學統所由  
來云嘉慶七年二月古堇後學屠繼序識於粵東海陽縣署中

學紀聞五箋卷之二十下

終

